

四庫全書薈要

• 乾隆御覽本

史部

資治通鑑卷二百二

宋 司馬光 撰

胡三省 音註

唐紀十八

起重光協治盡重光  
大荒落凡十一年

高宗天皇大聖大弘孝皇帝中之下

咸亨二年春正月甲子上幸東都

考異曰舊本紀及太子弘傳正月乙巳

幸東都留太子弘於京師監國明年十月己未又云皇太子監國新本紀唐歷統紀皆連歲言太子監國按離長安時已留太子監國及自東都將還豈得又令監國按實錄此月無監國事唯明年十月有之今從之

夏四月甲申以西突厥阿史那都支為左驍衛大將軍

兼匭延都督

顯慶二年平賀魯以處木昆部為匭延都督府厥九勿翻號堅克翻匭蒲北翻以

安集五咄陸之衆

咄當沒翻

初武元慶等既死

事見上卷乾封元年

皇后奏以其姊子賀蘭敏之為士護之嗣

號一襲

襲爵周

公改姓武氏累遷弘文館學士左散騎常侍

太宗在藩於秦府置

文學館學士其後弘文崇文二館

皆有學士散悉宜翻騎奇寄翻

魏國夫人之死也

亦見

乾封元年

上見敏之悲泣曰曷吾出視朝猶無恙還朝已不

救何倉猝如此

朝直遙翻

敏之號哭不對后聞之曰此兒疑

我由是惡之敏之貌美蒸於太原王妃及居妃喪釋衰

經奏妓

號戶高翻惡烏路翻  
衰舍回翻妓渠綺翻

司衛少卿楊思儉女有殊

色上及后自選以為太子妃昏有日矣敏之逼而淫之

后於是表言敏之前後辜惡請加竄逐六月丙子敕流

雷州復其本姓至韶州以馬韁絞死

雷州漢徐聞縣地  
梁置南合州隋曰

合州仍置海康縣大業廢州唐武德

五年復置貞觀八

年改曰雷州韶州漢南野縣地吳孫皓甘露元年分立

始興郡唐武德初置番州貞觀元年改韶州舊志雷州

至京師六千五百四十七里至東都五千八百三十六

里韶州至京師四千九百三十二里至

東都四千一百四十二里糧居良翻

朝士坐與敏之

交遊流嶺南者甚衆

朝直  
遥翻

秋七月乙未朔高侃破高

麗餘衆於安市城

麗力  
知翻

九月丙申潞州長史徐王元

禮薨冬十一月甲午朔日有食之車駕自東都幸

許汝十二月癸酉校獵於葉縣

舊志東都至許州四百里至汝州百八十里葉

縣舊屬南陽郡後并省後齊置襄州後周廢州  
置南襄城郡隋廢郡為葉縣屬許州葉式涉翻

丙戌還

東都

三年春正月辛丑以太子左衛副率梁積壽為姚州道

行軍總管

太子十率府各有副  
率位四品率所律翻

將兵討叛蠻

將即  
亮翻

庚

成昆明蠻十四姓二萬三千戶內附置殷敦總三州

蠻

西有昆明蠻一日昆彌蠻以西洱河為境即葉榆河也

去長安九千里殷州居戎州西北總州居西南敦州居

南達不過五百

餘里近三百里

二月庚午徙吐谷渾於鄯州浩疊水

南

漢書地理志浩疊水東至允吾入湟允吾唐為鄯州龍支縣水經注浩疊河出允吾西北塞外東逕浩疊

縣故城南又東流注于湟水俗呼為閭門河吐從瞰入聲谷音浴鄯時戰翻浩音詰疊音門

吐谷渾

畏吐蕃之彊不安其居又鄯州地狹尋徙靈州以其部

落置安樂州

時以靈州鳴沙縣地置安樂州樂音洛

以可汗諾曷鉢為刺

史

可從刊入聲汗音寒

吐谷渾故地皆入於吐蕃已卯侍中永

安郡公姜恪薨 夏四月庚午上幸合璧宮 吐蕃遣

其大臣仲琮入貢上問以吐蕃風俗對曰吐蕃地薄氣

寒風俗朴魯然法令嚴整上下一心議事常自下而起

因人所利而行之斯所以能持久也上詰以吞滅吐谷

渾見上卷龍朔三年詰去吉翻敗薛仁貴見上卷咸亨元年敗補邁翻寇逼涼州

事吐蕃既滅吐谷渾又破西域則寇逼涼州矣對曰臣受命貢獻而已軍旅

之事非所聞也上厚賜而遣之癸未遣都水使者黃仁

素使于吐蕃使疏史翻秋八月壬午特進高陽郡公許敬

宗卒

卒子恤翻

太常博士袁思古議敬宗弃長子於荒徼

徼吉

吊翻嫁少女於夷貊

少詩沼翻貊莫白翻

案謚法名與實與曰繆請

謚為繆

繆靡切翻

敬宗孫太子舍人彥伯訟思古與許氏有

怨請改謚太常博士王福時議

時音止

以為得失一朝榮

辱千載

太常博士擬謚皆跡其躬行為之褒貶大行大名之小行小名之載于亥翻

若嫌隙

有實當據法推繩如其不然義不可奪戶部尚書戴至

德謂福時曰高陽公任遇如是何以謚之為繆對曰昔

晉司空何曾既忠且孝徒以日食萬錢秦秀謚之為繆



見八十卷晉武帝咸寧四年

許敬宗忠孝不逮於曾而飲食男女之

累過之

累力瑞翻

謚之曰繆無負許氏矣詔集五品已上更

議禮部尚書陽思敬議按謚法既過能改曰恭請謚曰

恭詔從之敬宗嘗奏流其子昂于嶺南又以女嫁蠻酋

馮盎之子多納其貨

酋慈由翻

故思古議及之福時勅之父

也

王勃見二百卷龍朔元年

九月癸卯徙沛王賢為雍王

雍於用翻

冬十月己未詔太子監國

監古街翻

壬戌車駕發東都

十一月戊子朔日有食之

甲辰車駕至京師 十二

月高侃與高麗餘衆戰于白水山破之新羅遣兵救高麗侃擊破之 癸卯以左庶子劉仁軌同中書門下三

品 太子罕接宮臣典膳丞全椒邢文偉輒減所供膳

東宮典膳局郎正六品上丞正八品上掌進膳嘗食全椒縣時屬滁州

并上書諫太子太

子復書謝以多疾及入侍少暇嘉納其意

上時掌

頃之右

史缺上曰邢文偉事吾子能撤膳進諫此直士也擢為

右史

起居舍人從六品上屬中書省掌修記言之史錄天子之制詰德音如記言之制以紀時政之損益

季終則授之於國史龍朔改曰右史

太子因宴集命宮臣擲倒

唐散樂有舞盤伎舞

輪伎長躡伎跳鈴伎擲倒伎跳  
劍伎吞劍伎皆梁之遺伎也

次至左奉裕率王及善

隋置太子內率府擬上臺千牛衛掌東宮千牛備  
身侍奉之事龍朔改為左右奉裕率率所律翻

及善

曰擲倒自有伶官

伶盧經翻

臣若奉令恐非所以羽翼殿下

也太子謝之上聞之賜及善縑百匹尋遷左千牛衛將

軍

千牛刀即人主防身刀也取莊子庖丁言解千牛而  
芒刃不減之義後魏有千牛備身掌宿衛侍從隋煬

帝置備身府  
唐改千牛府

四年春正月丙辰絳州刺史鄭惠王元懿薨 三月丙

申詔劉仁軌等改修國史以許敬宗等所記多不實故

也 夏四月丙子車駕幸九成宮 閏五月燕山道總

管右領軍大將軍李謹行大破高麗叛者於鉢蘆河之

西 胡嶠曰黑車子之北有牛蹄突厥人身牛足其地有寒水曰鉢蘆河夏秋水厚二尺秋冬水微底常燒器

銷冰乃得飲余按唐書劉仁軌傳此鉢蘆河當在高麗南界新羅七重城之北燕因肩翻下同 俘獲數

千人餘衆皆犇新羅時謹行妻劉氏留伐奴城高麗引

靺鞨攻之劉氏擐甲帥衆守城久之虜退 靺鞨音末曷 擐音宦 帥讀

曰 上嘉其功封燕國夫人謹行靺鞨人突地稽之子也

突地稽見一百八十 武力絕人為衆番所憚 秋七月

九卷高祖武德四年

婺州大水溺死者五千人

婺亡遇翻  
溺奴狄翻

八月辛丑上以

瘡疾令太子於延福殿受諸司啓事

瘡逆約翻

冬十月壬

午中書令閻立本薨 乙巳車駕還京師 十二月丙

午弓月疎勒二王來降

降戶江翻下同

西突厥興昔亡可汗之

世諸部離散弓月及阿悉吉皆叛

阿悉吉即阿悉結等失畢五俟斤之一也

蘇定方之西討也

見二百卷  
顯慶二年

擒阿悉吉以歸弓月南結

吐蕃北招咽麴

咽麴亦鐵勒種居得嶽海咽於句翻麴臘見翻

共攻疎勒降之

上遣鴻臚卿蕭嗣業發兵討之嗣業兵未至弓月懼與

疎勒皆入朝上赦其羣遣歸國

肅陵如朝  
朝直遙銅

上元元年

是年八月  
方改元

春正月壬午以左庶子同中書門

下三品劉仁軌為雞林道大總管

帝以新羅國  
為雞林州

衛尉卿

李弼右領軍大將軍李謹行副之發兵討新羅時新羅

王法敏既納高麗叛衆又據百濟故地使人守之上大

怒詔削法敏官爵其弟右驍衛負外大將軍臨海郡公

仁問在京師

號堅  
亮銅

立以為新羅王使歸國 三月辛亥

朔日有食之

賀蘭敏之既得羣皇后奏召武元爽之

子承嗣於嶺南

乾封元年元  
與流振州

襲爵周公拜尚衣奉御

尚衣

奉御屬殿中省掌衣服  
詳其制度辨其名數

夏四月辛卯遷宗正卿 秋八

月壬辰追尊宣簡公為宣皇帝妣張氏為宣莊皇后懿

王為光皇帝妣賈氏為光懿皇后

後魏金門鎮將熙太  
祖虎之祖也謚宣簡

公魏懷主天賜太祖  
虎之父也謚懿王

太武皇帝為神堯皇帝太穆皇后

為太穆神皇后文皇帝為太宗文武聖皇帝文德皇后

為文德聖皇后皇帝稱天皇皇后稱天后以避先帝先

后之稱

實欲自尊而以避先帝先后之稱  
為言武后之意也之稱足證翻

改元赦天下

戊戌敕文武官三品以上服紫金玉帶四品服深緋

金帶五品服淺緋金帶六品服深綠七品服淺綠並銀

帶八品服深青九品服淺青並鍮石帶

鍮石似金而非金鍮託戾翻

庶人服黃銅鐵帶自非庶人不聽服黃

非庶人謂工商雜戶

九

月癸丑詔追復長孫晟長孫无忌官爵以无忌曾孫翼

襲爵趙公聽无忌喪歸陪葬昭陵

无忌削官爵而死見二百卷顯慶四年

甲寅上御翔鸞閣

據舊書却處俊傳翔鸞閣在含元殿東唐六典含元殿翼以二閣左

曰翔鸞右曰棲鳳二閣之下為東西朝堂

觀大酺

酺薄胡翻

分音樂為東西朋使



雍王賢主東朋周王顯主西朋角勝為樂郝處俊諫曰

二王春秋尚少志趣未定當推挈讓棗

梁元帝遺武陵王書有是言樂

音洛少詩沼  
翻推吐雷翻

相親如一今分二朋遞相誇競俳優小人

言辭無度恐其交爭勝負譏諂失禮非所以崇禮義勸

敦睦也上瞿然曰

諷才笑翻瞿九  
遇翻驚視貌

卿遠識非衆人所及

也遽止之是日衛尉卿李弼暴卒于宴所為之廢脯一

日

為于  
偽翻

冬十一月丙午朔車駕發京師己酉校獵華

山之曲武原

華山在華州華陰縣南曲  
武原在華山下華戶化翻

戊辰至東都

箕州錄事參軍張君澈等誣告刺史蔣王憚及其子汝

南郡王煒謀反

憚於粉  
煒於屍

敕通事舍人薛思貞馳傳往

按之

傳張  
憚

十二月癸未憚惶懼自縊死

縊於  
計

上知其非

罪深痛惜之斬君澈等四人 戊子于闐王伏闕雄來

朝

闐徒賢翻闐視遠  
翻朝直遙翻下同

辛卯波斯王卑路斯來朝 壬

寅天后上表以為國家聖緒出自玄元皇帝

老子姓李  
名耳唐祖

之乾封元年尊為玄元  
皇帝上時掌翻下同

請令王公以下皆習老子每歲

明經準孝經論語策試又請自今父在為母服齊衰三

年

古禮父在為母服菴為子偽翻齊音咨喪倉回翻

又京官八品以上宜量加

俸祿

京官在京官也量音良

及其餘便宜合十二條詔書褒美皆

行之

是歲有劉曉者上疏論選

選須絹翻下同考異曰會要作劉曉今從

統紀以為今選曹以檢勘為公道

檢勘者謂考其功過察其假名承偽隱冒升降

書判為得人殊不知考其德行才能况書判借人者衆

矣又禮部取士專用文章為甲乙故天下之士皆捨德

行而趨文藝有朝登甲科而夕陷刑辟者雖日誦萬言

何關理體

理體即治道行下孟翻趨七俞翻下同辟毗亦翻

文成七步未足化

人況盡心卉木之間極筆烟霞之際以斯成俗豈非大  
謬夫人之慕名如水趨下上有所好下必甚焉陛下若  
取士以德行為先文藝為末則多士雷奔四方風動矣  
趨七喻翻好呼  
到翻下憐好翻

二年春正月丙寅以于闐國為毗沙都督府分其境內  
為十州以于闐王尉遲伏闍雄為毗沙都督

闐徒賢翻  
又徒見翻

尉紆勿翻  
闐視遼翻

辛未吐蕃遣其大臣論吐渾彌來請和且

請與吐谷渾復修鄰好

吐從職入聲下同  
復扶又翻谷音浴

上不許二

月劉仁軌大破新羅之衆於七重城

重音直龍翻

又使靺鞨

浮海略新羅之南境斬獲甚衆仁軌引兵還

靺音末鞨音曷還從

宣翻又音如字

詔以李謹行為安東鎮撫大使

使疏吏翻下同

屯新羅

之買肖城以經略之三戰皆捷新羅乃遣使入貢且謝

罪上赦之復新羅王法敏官爵金仁問中道而還

使疏吏翻

還音旋又如字

改封臨海郡公

三月丁巳天后祀先蠶於邨

山之陽

漢儀三月桑始生皇后親桑於苑中蠶室養蠶千薄以上祠以中牢羊豕饋漢志三月皇后帥

公卿諸侯夫人蠶祠先蠶禮以少牢注云今蠶神曰苑疏婦人寓氏公主唐制皇后歲祀一季春吉已享先蠶

遂以親桑蜀注曰  
通典先錄天如也

百官及朝集使皆陪位

朝直遂  
翻下同

上

苦風眩甚議使天后攝知國政中書侍郎同三品郝處

俊曰天子理外后理內天之道也

記晉義曰天子聽男  
教后聽女順天子理

陽道后治陰德天子聽外治后聽內職教  
順成俗外內和順國家理治此之謂盛德

昔魏文著令

雖有幼主不許皇后臨朝所以杜禍亂之萌也

事見六  
十九卷

魏文帝黃  
初三年

陛下奈何以高祖太宗之天下不傳之子孫

而委之天后乎中書侍郎昌樂李義琰曰處俊之言至

忠陛下宜聽之

樂音  
洛

上乃止

天后多引文學之士著

作郎元萬頃

唐著作郎從五品上掌修撰碑誌祝文祭文屬秘書省

左史劉禕之

等

龍朔政起居郎為左史

使之撰列女傳臣軌百僚新戒樂書凡

千餘卷

撰士免朝

朝廷奏議及百司表疏時密令參決以分

宰相之權

疏所去翻

時人謂之北門學士

不從南衙於北門出入故云然

禕

之子翼之子也

劉子翼仕隋以學行著

夏四月庚辰以司農少

卿韋弘機為司農卿弘機兼知東都營田受詔完葺宮

苑有宦者於苑中犯法弘機杖之然後奏聞上以為能

賜絹數十匹曰更有犯者卿即杖之不必奏也 初左

千牛將軍長安趙瓌尚高祖女常樂公主生女為周王

顯妃公主頗為上所厚天后惡之

樂音洛惡烏路翻

辛巳妃坐

廢幽閉於內侍省食料給生者防人候其突烟而已數

日烟不出開視死腐矣瓌自定州刺史貶栢州刺史令

公主隨之官仍絕其朝謁

朝直還翻

太子弘仁孝謙謹上

甚愛之禮接士大夫中外屬心

屬之欲翻

天后方逞其志太

子奏請數迂旨

迂逆也數所角翻迂五故翻

由是失愛於天后義陽

宣城二公主蕭淑妃之女也坐母得罪幽于掖庭年踰



三十不嫁太子見之驚惻遽奏請出降上許之天后怒

即日以公主配番上翊衛權毅王遂古

親熱翊三衛皆番上上時掌劍

己亥太子薨于合璧宮時人以為天后酖之也

考異曰新書

本紀云己亥天后殺皇太子新傳云后將逞志弘奏請數拂旨從幸合璧宮遇酖薨唐歷云弘仁孝英果深為上所鍾愛自立為太子敬禮大臣鴻儒之士未嘗居有過之地以請嫁二公主失愛於天后不以壽終實錄舊傳皆不言弘遇酖按李泌對肅宗云高宗有八子睿宗最幼天后所生四子自為行第故睿宗第四長曰孝敬皇帝為太子監國仁明孝悌天后方圖臨朝乃酖殺孝敬立雍王賢為太子新書蓋據此及唐歷也按弘之死其事不明今但云時人以

為天后酖之也疑以傳疑

壬寅車駕還洛陽宮五月戊

申下詔朕方欲禪位皇太子而疾遽不起宜申往命加

以尊名可謚為孝敬皇帝

帝子謚皇帝始此謚神至翻

六月戊寅立

雍王賢為皇太子赦天下

雍於用翻

天后惡慈州刺史杞

王上金

宋白曰慈州春秋虜咎如之國漢為北屈縣隋為汾州唐武德元年為西汾州五年改南汾州

貞觀八年改南汾州為慈州以州近慈烏戌故名孫恹曰因慈氏縣名之上金帝後宮劉氏所生慈烏路翻

有司希旨奏其臯秋七月上金坐解官澧州安置 八

月庚寅葬孝敬皇帝于恭陵

恭陵在洛州緱氏縣懷來山改名太平山

戊

戌以戴至德為右僕射庚子以劉仁軌為左僕射並同

中書門下三品如故張文瓘為侍中郝處俊為中書令

李敬玄為吏部尚書兼左庶子同中書門下三品如故

劉仁軌戴至德更日受牒訴

尚長羊翻  
更工衡翻

仁軌常以美言

許之至德必據理難詰

難乃旦翻  
詰去吉翻

未嘗與奪實有冤結

者密為奏辯

偽為于翻

由是時譽皆歸仁軌或問其故至德

曰威福者人主之柄人臣安得盜取之上聞深重之有

老嫗欲詣仁軌陳牒誤詣至德至德覽之未終嫗曰本

謂是解事僕射乃不解事僕射邪

嫗威遇翻  
解戶買翻

歸我牒至

德笑而授之時人稱其長者

長知兩翻

文瓘時兼大理卿囚

聞改官皆慟哭文瓘性嚴正諸司奏議多所糾駁上甚

委之

駁北兩翻

儀鳳元年

是年十一月方改元

春正月壬戌徙冀王輪為相王

納州獠反

唐制儀鳳二年開山洞置納州屬廬州都督府獠魯皓翻

敕黔州都督發

兵討之

黔音琴

二月甲戌徙安東都護府於遼東故城

考異曰寶錄咸亨元年楊昉高侃討安舜始拔安東

都護府自平壤城移於遼東州儀鳳元年二月甲戌以

高麗餘衆反叛移安東都護府於遼東城蓋咸亨元年

言移府者終言之也儀鳳元年言高麗反者本其所以

移也會要無咸亨元年移府事  
此年云移於遼東故城今從之  
先是有華人任東官者

悉罷之

先悉  
薦翻

徙熊津都督府於建安故城其百濟戶口

先徙於徐兗等州者皆置於建安天后勸上封中嶽癸

未詔以今冬有事于嵩山

中嶽嵩山在河南陽城縣

丁亥上幸汝

州之溫湯

汝州梁縣西南五十里有溫湯可  
以熟米又有黃女湯帝置溫泉頓

三月癸

卯黃門侍郎來恒中書侍郎薛元超並同中書門下三

品恒濟之兄元超收之子也

朱濟盡忠而又死於封疆  
薛收事太宗於藩邸恒戶

登  
甲辰上還東都

還從宣  
又音如字

閏月吐蕃寇鄯廓河

芳等州

宋白曰疊州常芬縣舊為吐谷渾所據周武成三年遂諸羌始有其地乃於三交築城置甘松

防又為三川縣以隸常香郡建德三年改三川為常芬

縣仍立芳州以色隸馬取地多芳草以名州隋廢州唐

復置吐從敬入

聲部時戰綱

敕左監門衛中郎將令狐智通發興鳳

等州兵以禦之

興州漢武都沮縣地後魏改為略陽縣江左為武興藩王國後魏以為武興郡

置興州改略陽縣為順政縣鳳州漢故道河池縣地晉

為仇池氏所據後魏置梁泉縣西魏廢帝置鳳州郡時

戰綱監古街

綱將即虎綱

己卯詔以吐蕃犯塞停封中嶽乙酉以洛

州牧周王顯為洮州道行軍元帥將工部尚書劉審禮

等十二總管并州大都督相王輪為涼州道行軍元帥

將左衛大將軍契必何力等以討吐蕃

洮土刀翻帥所類細將即亮翻

并平經翻契欺訖翻必毗必翻

二王皆不行 庚寅車駕西還 甲寅

中書侍郎李義琰同中書門下三品 戊午車駕至九

成宮 六月癸亥黃門侍郎晉陵高智周同中書門下

三品 秋八月乙未吐蕃寇疊州 壬寅敕桂廣交黔

等都督府比來注擬土人簡擇未精自今每四年遣五

品已上清正官充使仍令御史同往注擬時人謂之南

選

黔音琴比毗至翻使疏吏翻令力丁翻選須翻

九月壬申大理奏左威

衛大將軍權善才左監門中郎將范懷義誤斫昭陵柏

臯當除名

監古街翻  
特即亮翻

上特命殺之大理丞太原狄仁傑

奏二人臯不當死

太原漢晉陽縣隋改為太原縣而以  
後齊所置龍山縣為晉陽縣並帶并

州上曰善才等斫陵柏我不殺則為不孝仁傑固執不

已上作色令出仁傑曰犯言直諫自古以為難臣以為

遇桀紂則難遇堯舜則易

易以  
鼓翻

今法不至死而陛下特

殺之是法不信於人也人何所措其手足且張釋之有

言設有盜長陵一杯土陛下何以處之

釋之言見十四  
卷漢文帝三年



杯薄侯翻

處昌呂翻

今以一株柏殺二將軍後代謂陛下為何如

矣臣不敢奉詔者恐陷陛下於不道且羞見釋之於地  
下故也上怒稍解二人除名流嶺南後數日擢仁傑為

侍御史初仁傑為并州法曹同僚鄭崇質當使絕域

使疏

吏翻崇質母老且病仁傑曰彼母如此豈可使之有萬里

之憂詣長史蘭仁基請代之行

長知兩翻  
蘭良月翻

仁基素與司

馬李孝廉不叶因相謂曰吾輩豈可不自愧乎遂相與

輯睦 冬十月車駕還京師

還從宣翻  
又音如字

丁酉祿享太

廟用太學博士史璨議禘後三年而禘禘後二年而禘

歐陽修曰禘禘大祭也禘以昭穆合食於太祖而禘以  
審諦其尊卑此禘禘之義而為禮者失之至於年數不  
同祖宗失位議者莫知所從禮曰三年一禘五年一禘  
傳曰五年再殷祭高宗上元三年十月當禘而有司議  
其年數史璨等議以為新君喪畢而禘明年而禘自是  
之後五年而再祭蓋後禘去前禘五年而禘常在禘後  
三年禘常在禘後二年魯宣公八年禘僖公蓋三年喪  
畢而禘明年而禘至八年而再禘昭公二十年禘至二  
十五年又禘此可知也時以其言有經據遂從之唐制  
國子博士正五品上掌教文武官二品已上國公子孫  
二品已上曾孫為生者太學博士正六品上掌教文武  
官五品已上郡縣公子孫從三品曾孫之為生者禘胡  
夾翻燦倉按

細禘大計細

邠王素節蕭叔妃之子也

邠音

警敏好

學天后惡之

好呼到翻  
惡鳥路翻

自岐州刺史左遷申州刺史

申

漢平氏郡縣地晉分置義陽郡南齊置司州後魏改鄆

州後周改申州隋改義州唐復曰申州岐州在京師西

三百十五里至東都一千一百七十里申州至

京師一千七百九十六里東都九百四十三里

乾封初

敕曰素節既有舊疾不須入朝

朝直  
通翻

而素節實無疾自

以久不得入覲乃著忠孝論王府倉曹參軍張柬之因

使潛封其論以進后見之誣以賂賄丙午降封鄆陽王

袁州安置

柬之封論以進欲以感動帝心豈知適所以  
違素節之罪乎袁州在京師東南三千五百

八十里至東都二  
千一百六十一里

十一月壬申改元赦天下

庚寅

以李敬玄為中書令 十二月戊午以來恒為河南道

大使薛元超為河北道大使尚書左丞鄆陵崔知悌國

子司業鄭祖玄為江南道大使

隋大業三年始置國子司業唐從四品下所職

與祭酒同使疏吏翻鄆謂晚翻又於建翻又音偃

分道巡撫

二年春正月乙亥上耕籍田 初劉仁軌引兵自熊津

還

見上麟德二年

扶餘隆畏新羅之逼不敢留尋亦還朝

朝直遙翻

二月丁巳以工部尚書高藏為遼東州都督封朝鮮王

朝鮮音潮鮮音仙

遣歸遼東安輯高麗餘衆高麗先在諸州者皆

遣與藏俱歸又以司農卿扶餘隆為熊津都督封帶方

王亦遣歸安輯百濟餘衆仍移安東都護府於新城以

統之

去年春移安東都護府於遼東故城今又移於新城統他綜細

時百濟荒殘命隆

寓居高麗之境藏至遼東謀叛潛與靺鞨通召還徙

州而死

麗力知翻還從宣翻又音如字靺鞨音末曷叩渠容翻

散徙其人於河南

隴右諸州貧者留安東城傍高麗舊城沒於新羅餘衆

散入靺鞨及突厥

厥九勿翻

隆亦竟不敢還故地高氏扶餘

氏遂亡三月癸亥朔以郝處俊高智周並為左庶子

李義琰為右庶子

郝呼各翻處昌呂翻唐制東宮左右庶子各二員

夏四月左

庶子張大安同中書門下三品大安公謹之子也

張公謹太

宗朝功臣

詔以河南北旱遣御史中丞崔謐等分道存問

賑給侍御史寧陵劉思立上疏

寧陵縣漢屬陳留郡曹魏至元魏屬譙郡後齊

廢隋開皇六年復置屬宋州賑津忍翻上時掌翻疏所據翻

以為今麥秀蠶老農事

方殷敕使撫巡人皆竦抃忘其家業冀此天恩聚集參

迎妨廢不少

使疏吏翻少詩沼翻

既緣賑給須立簿書本欲安存

更成煩擾望且委州縣賑給待秋務閑出使褒貶疏奏

謚等遂不行

使疏吏翻

五月吐蕃寇扶州之臨河鎮擒鎮

將杜孝昇令齎書說松州都督武居寂使降孝昇固執

不從吐蕃軍還捨孝昇而去孝昇復帥餘衆拒守

吐從賊入

聲將即亮翻說輸芮翻降戶

詔以孝昇為遊擊將軍

晉官

江翻復扶又翻帥讀曰率

品令游擊將軍第四品唐從五品下

秋八月徙周王顯為英王更名哲

更工衡翻

命劉仁軌鎮洮河軍

鄯州城內有臨洮軍洮土刀翻

冬十二月

乙卯詔大發兵討吐蕃

詔以顯慶新禮多不師古

顯慶

三年行新禮見二百卷

其五禮並依周禮行事自是禮官益無憑

守每有大禮臨時撰定

撰士  
免翻

三年春正月辛酉百官及各部酋長朝天于光順門

酋慈由翻長知  
兩翻朝直遙翻

劉仁軌鎮洮河每有奏請多為李敬

玄所抑由是怨之仁軌知敬玄非將帥才欲中傷之

仁軌

以私怨奏用敬玄以至敗國殄民矯情以容袁異式挾  
怨以陷李敬玄得為賢乎將即亮翻帥所類翻中竹仲

翻奏言西邊鎮守非敬玄不可敬玄固辭上曰仁軌須

朕朕亦自往卿安得辭丙子以敬玄代仁軌為洮河道

大總管兼安撫大使仍檢校鄯州都督

使疏吏翻鄯時  
戰翻考異曰



實錄云與仁執相知鎮守而敬玄之敗仁  
執不預新舊傳皆云以代仁執今從之

又命益州大

都督府長史李孝逸等發劔南山南兵以赴之孝逸神

通之子也

淮安王  
神通

癸未遣金吾將軍曹懷舜等分往河

南北募猛士不問布衣及仕宦 夏四月戊申赦天下

改來年元為通乾 五月壬戌上幸九成宮丙寅山中

雨大寒從兵有凍死者

從音才  
用翻

秋七月李敬玄奏破

吐蕃於龍支

龍支縣屬鄯州漢允吾縣地後漢改為龍  
耆縣後魏改為金城縣又改為龍支積石

山在今  
縣南

上初即位不忍觀破陳樂命撤之辛酉太常

少卿韋萬石奏久寢不作思成廢缺請自今大宴會復

奏之上從之

陳讀曰陣少詩照翻復扶又翻又如字

九月辛酉車駕還

京師 上將發兵討新羅侍中張文瓘卧疾在家自輿

入見

見賢通翻

諫曰今吐蕃為寇方發兵西討新羅雖云不

順未嘗犯邊若又東征臣恐公私不勝其弊上乃止

音勝

升癸亥文瓘薨 丙寅李敬玄將兵十八萬與吐蕃將

論欽陵戰於青海之上

將即亮翻下同

兵敗工部尚書右衛大

將軍彭城僖公劉審禮為吐蕃所虜

諡法剛克曰僖又小心畏忌曰僖又

戴記有伐  
有還曰僭

時審禮將前軍深入頓于濠所為虜所攻敬

玄懦怯按兵不救聞審禮戰沒狼狽還走頓于承風嶺

杜佑曰承風嶺在廓州廣威縣西南東北去鄯州三百一十三里故吐谷渾界

阻泥溝以自固

虜屯兵高岡以壓之左領軍貳外將軍黑齒常之夜帥

敢死之士五百人襲擊虜營虜衆潰亂其將跋地設引

兵遁去

帥讀曰率  
將即亮翻

敬玄乃收餘衆還鄯州

考異曰朝  
野僉載曰中

書令李敬玄為元帥吐蕃至樹敦城聞劉尚書沒蕃著  
難不得狼狽而走遠却麥飯首尾千里地上尺餘言之  
太過今  
不取  
審禮諸子自縛詣闕請入吐蕃贖其父敕聽次

子易從詣吐蕃省之比至審禮已病卒

易以鼓翻省悉景翻比必利翻

卒子恤翻

考異曰新本紀審禮死之按舊傳

永隆二年審禮卒于蕃中新紀誤也今終言之

易從晝

夜號哭不絕聲

號戶高翻

吐蕃哀之還其尸易從徒跣負之

以歸上嘉黑齒常之之功擢拜左武衛將軍充河源軍

副使

杜佑曰河源軍在鄯州西一百二十里使疏吏翻下同

李敬玄之西征也監

察御史原武婁師德應猛士詔從軍

時詔募猛士討吐蕃師德應募從軍

監古街翻

及敗敕師德收集散亡軍乃復振

復扶又翻又如字

因命

使于吐蕃吐蕃將論贊婆迎之赤嶺

宋白曰石堡城西三十里有山土石

皆赤北接大山南連小雪山號曰赤嶺去長安三千五百里自鄆州鄆城縣西行二百里至赤嶺將即亮翻

師德宣導上意諭以禍福贊婆甚悅為之數年不犯邊

為子師德遷殿中侍御史充河源軍司馬

考異曰御史臺記充河源

軍使今從舊傳

兼知營田事上以吐蕃為憂悉召侍臣謀之或

欲和親以息民或欲嚴設守備俟公私富實而討之或

欲亟發兵擊之議竟不決賜食而遣之太學生宋城魏

元忠上封事

宋城縣帶宋州舊睢陽縣也隋開皇十八年更名上時掌翻

言禦吐蕃

之策以為理國之要在文與武今言文者則以辭華為

首而不及經綸言武者則以騎射為先而不及方略

騎奇

寄是皆何益於理亂哉故陸機著辨亡之論無救河橋

之敗

陸機痛吳之亡著辨亡論述吳之所以興及其所以亡其論甚悉河橋之敗見八十五卷晉惠帝太

安二養由基射穿七札不濟鄆陵之師

左傳晉楚遇於鄆陵楚大夫養

由基潘黨躡甲而射之徹七札馬以示楚共王曰若有二臣何憂於戰王怒曰大夫國詰朝爾射死藝及戰楚師敗績杜預曰濟益也此已然之明效也古語有之人無常俗政

有理亂兵無彊弱將有巧拙故選將當以智略為本勇

力為末今朝廷用人類取將門子弟及死事之家

將即亮

同下彼皆庸人豈足當閭外之任李左車陳湯呂蒙孟觀

皆出貧賤而立殊功

李左車見十卷漢高帝三年陳湯見二十九卷元帝建昭三年呂蒙

見獻帝紀六十五卷至六十八卷五

未聞其家代為將

觀見八十三卷晉惠帝元康九年

也夫賞罰者軍國之切務苟有功不賞有罪不誅雖堯

舜不能以致理議者皆云近日征伐虛有賞格而無事

實蓋由小才之吏不知大體徒惜勲庸恐虛倉庫不知

士不用命所損幾何黔首雖微不可欺罔豈得懸不信

之令設虛賞之科而望其立功乎自蘇定方征遼東

見二

百卷龍朔  
元年二年

李勣破平壤

見上卷總章元年

賞絕不行勳仍淹滯

不聞斬一臺郎戮一令史以謝勳人

尚書謂曹郎皆謂之臺郎勳轉淹滯

則司勳之責耳司勳令史三十三人

大非川之敗薛仁貴郭待封等不即

重誅

見上卷咸亨元年即就也

勳使早誅仁貴等則自餘諸將豈敢

失利於後哉臣恐吐蕃之平非旦夕可冀也又出師之

要全資馬力臣請開畜馬之禁使百姓皆得畜馬

畜吁玉翻

若官軍大舉委州縣長吏以官錢增價市之則皆為官  
有彼酋人恃馬力以為彊若聽人間市而畜之乃是損



彼之彊為中國之利也先是禁百姓畜馬

長知兩翻畜吁玉翻先悉

翻薦故元忠言之上善其言召見令直中書省仗內供奉

仗內供奉朝會得隋百官入見

冬十月丙午徐州刺史密貞王元曉

薨十一月壬子黃門侍郎同中書門下三品來恒薨

恒戶登翻

十二月詔停來年通乾之號以反語不善故也

通乾反語為天窮

調露元年

按會要是年六月十三日方改元調露

春正月己酉上幸東都

司農卿韋弘機作宿羽高山上陽等宮

按六典宿羽高山二宮皆在東

都禁苑中 制度壯麗上陽宮臨洛水為長廊亘一里宮成上

徙御之侍御史狄仁傑劾奏弘機導上為奢泰弘機坐

免官

勅戶緊翻又戶得翻  
生家人犯盜為憲司所勅

考異曰舊傳云儀鳳中機免官狄仁傑傳云時司

農卿韋機兼領將作少府造宿羽高山上陽等宮莫不

壯麗仁傑奏其太過機竟坐免官統紀云駕幸東都上

遊韋弘機所造宿羽高山等宮乘高臨深有登眺之美

乃即敕弘機造高館及成臨幸即上陽宮也今據實錄

營宮 在前 左司郎中王本立

隋煬帝大業三年尚書都司始置左右司郎各一人掌都省之

職唐置左右司郎中各掌付十有二司之事以舉正稽違省置符目

恃恩用事朝廷畏之

仁傑奏其奸請付法司上特原之仁傑曰國家雖乏英

才豈少本立輩

少詩  
沼翻

陛下何惜罪人以虧王法必欲曲

赦本立請弃臣於無人之境為忠貞將來之戒本立竟

得罪

考異曰御史堂記曰狄仁傑以司農發太原運  
句會欠米萬餘斛高宗怒曰仁傑偷我米命殺之

吏部侍郎魏玄同曰仁傑健而踈只是句當失所臣委  
知不偷請以官爵保明高宗意解仁傑不坐案仁傑傳

未嘗為司  
農今不取

由是朝廷肅然

庚戌右僕射太子賓客道

恭公戴至德薨

道古國名左傳之江黃道栢是也顯慶  
元年始置太子賓客四員正三品掌侍

從規諫贊相禮儀  
法尊賢讓善曰恭

二月壬戌吐蕃贊普卒子器弩

悉弄立生八年矣時器弩悉弄與其舅麴薩若詣羊同

發兵

羊同西戎國名宋祈載劉元鼎之言曰黃河上流由洪濟橋西南行二千里水益狹春可涉秋夏乃

勝舟其南三百里三山中高而四下曰紫山直大羊同國古所謂崑崙者也唐曰閭摩黎山東距長安五千里河源出其間唐會要曰大羊同國東接吐蕃西接小羊同北直于闐東西千里薩桑割

有弟生六

年在論欽陵軍中國人畏欽陵之彊欲立之欽陵不可

與薩若共立器弩悉弄上聞贊普卒命裴行儉乘間圖

之

卒子恤翻  
間古覓翻

行儉曰欽陵為政大臣輯睦未可圖也乃

止夏四月辛酉郝處俊為侍中偃師人明崇儼以

符咒幻術為上及天后所重

咒職救翻  
幻戶辨翻

官至正諫大夫

五月壬午崇儼為盜所殺求賊竟不得

考異曰御史臺記鄭仁恭本

張陽人也自監察累遷刑部郎中儀鳳中明崇儼以奇術承恩寵夜遇刺客殺三司正推鞠妄承引連坐者甚衆高宗怒促有司行刑仁恭奏曰此輩必死之因願假其數日之命高宗曰卿以為枉邪仁恭曰臣識慮淺短非的以為枉恐萬一非實則怨氣生遂緩之旬餘果獲賊矣朝廷稱之今從實錄

贈崇儼侍中

丙戌命太子監國

監古

太子處事明審

處昌

時人稱

之 戊戌作紫桂宮於澠池之西

紫桂宮在澠池之西五里澠猶苑翻

六月辛亥赦天下改元

初西突厥十姓可汗阿史那

都支及其別帥李遮旬與吐蕃連和侵逼安西

帥所類翻旬蒲

北朝議欲發兵討之吏部侍郎裴行儉曰吐蕃為寇審

禮覆没干戈未息豈可復出師西方今波斯王卒其子

泥洹師為質在京師

波斯為大食所滅其王卑路斯入朝投武衛將軍而死其子為質在京師

京師朝直還翻復扶又翻卒子恤翻洹戶官翻贊音致考異曰寶錄作泥涅師按舊傳作泥涅師唐歷作泥

洹師今從統紀

宜遣使者送歸國

使疏吏翻

道遇二虜以便宜取之

可不血刃而擒也上從之命行儉冊立波斯王

過工未翻考

異曰波斯王卑路斯入朝未還請遣使送歸今從寶錄唐歷統紀舊傳

仍為安撫大食使

行儉奏肅州刺史王方翼以為已副仍令檢校安西都

護

使疏吏翻  
令力丁翻

秋七月己卯朔詔以今年冬至有事于

嵩山

初裴行儉嘗為西州長史

見一百九十九卷永徽五年長知兩翻

及奉使過西州吏人郊迎行儉悉召其豪傑子弟千餘

人自隨且揚言天時方熟未可涉遠須稍涼乃西上

上時

掌阿史那都支覘知之遂不設備

覘丑廉翻  
又丑艷翻

行儉徐召

四鎮諸蕃酋長

四鎮龜茲毗沙焉耆疏勒  
四都督府也商慈由翻

謂曰昔在西

州縱獵甚樂

樂音洛

今欲尋舊賞誰能從吾獵者諸蕃子

弟爭請從行近得萬人行儉陽為畋獵校勒部伍

校古効翻

數日遂倍道西進去都支部落十餘里先遣都支所親

問其安否外示閒暇似非討襲續使促召相見都支先

與李遮匐約秋中拒漢使

漢家威加四裔故邊外率謂中國人為漢人猶漢時匈奴

謂漢人為秦人也使疏吏翻下同

粹聞軍至計無所出帥其子弟迎謁

遂擒之

帥讀曰率

因傳其契箭悉召諸部酋長

諸酋無符信以箭為契信

西突厥沙鉢咥利失可汗分其國為十部部以一人統之人授一箭號十設亦曰十箭左五咄陸部置五大噉居碎葉東右五弩失畢部置五大俟斤居碎葉西

執送碎葉城簡其精騎輕齎

晝夜進掩遮匐途中獲都支還使與遮匐使者同來行



儉釋遮旬使者使先往諭遮旬以都支已就擒遮旬亦

降

騎奇寄翻齋則兮翻  
旬蒲北翻降戶江翻

於是囚都支遮旬以歸遣波斯

王自還其國留王方翼於安西使築碎葉城

碎葉城馬  
耆都督府

治所也方翼築四面十二  
門為屈曲隱出伏沒之狀

冬十月單于大都護府突

厥阿史德溫傳奉職二部俱反

阿史德姓也溫傳其名  
奉職亦一部酋長之名

單音蟬厥  
九勿翻

立阿史那泥熟旬為可汗二十四州酋長皆

叛應之衆數十萬

置二十四州見一百  
九十九卷永徽元年

遣鴻臚卿單于

大都護府長史蕭嗣業右領軍衛將軍花大智

何承天  
姓苑有

花姓臨陵如翻單音蟬  
長知兩翻副祥吏翻

右千牛衛將軍李景嘉等將兵

討之

將兵即亮翻  
又音如字

嗣業等先戰屢捷因不設備會大雪

突厥夜襲其營嗣業狼狽拔營走衆遂大亂為虜所敗

死者不可勝數

厥九勿翻敗補  
逆翻勝音升

大智景嘉引步兵且行

且戰得入單于都護府嗣業減死流桂州大智景嘉並

免官突厥寇定州刺史霍王元軌命開門偃旗虜疑有

伏思而宵遁州人李嘉運與虜通謀事洩

洩息  
列翻

上令元

軌窮其黨與元軌曰彊寇在境人心不安若多所逮繫

是驅之使叛也乃獨殺嘉運餘無所問因自劾違制上

覽表大喜謂使者曰朕亦悔之向無王失定州矣

勅戶  
祭翻

天戶得翻  
使疏吏翻

自是朝廷有大事上多密敕問之

朝直  
廷翻

壬

子遣左金吾衛將軍曹懷舜屯井陘

井陘縣漢晉後魏  
皆屬常山郡唐屬

恒州陘  
音刑

右武衛將軍崔獻屯龍門以備突厥突厥扇誘

奚契丹侵掠營州

誘羊久翻契欺  
訖翻又音喫

都督周道務遣戶曹

始平唐休璟將兵擊破之

曹魏置始平縣晉武帝置始  
平郡後魏廢郡以縣屬扶風

隋唐屬  
雍州

庚申詔以突厥背誕罷封嵩山

背蒲  
妹翻

癸亥

吐蕃文成公主遣其大臣論塞調傍來告喪并請和親

上遣郎將宋令文詣吐蕃會贊普之葬

將即亮翻  
下管將同

十

一月戊寅朔以太子左庶子同中書門下三品高智周

為御史大夫罷知政事

癸未上宴裴行儉謂之曰卿

有文武兼資今授卿二職乃除禮部尚書兼檢校右衛

大將軍甲辰以行儉為定襄道行軍大總管將兵十八

萬并西軍檢校豐州都督程務挺東軍幽州都督李文

陳陳古總三十餘萬以討突厥並受行儉節度務挺名

振之子也

程名振為將著功名於貞觀永徽之間

永隆元年

按會要是年八月二十三日改元永隆

春二月癸丑上幸汝州

之溫湯戊午幸嵩山處士三原田遊巖所居

處昌呂翻

己未

幸道士宗城潘師正所居

考異曰舊傳師正趙州贊皇人今從實錄

上及

天后太子皆拜之

史言帝崇信異端

乙丑還東都

三月裴行

儉大破突厥于黑山

黑山為塞外要道在豐州中受降城正北如東八十里亦謂之呼延

谷禽其酋長奉職

絕句

可汗泥熟匐為其下所殺以其首

來降

降戶江翻

初行儉行至朔川

考異曰舊傳作朔州今依實錄及統紀余按唐

朔州治善陽縣漢定襄縣地單于府治金河縣漢雲中郡城也自朔州至單于府三百五十七里以裝行儉軍行次舍考之先至朔州而後至單于府北則舊傳朔州為是謂其下曰用兵之道撫

士貴誠制敵貴詐前日蕭嗣業糧運為突厥所掠士卒

凍餒故敗今突厥必復為此謀

復扶又翻下復為可復同

宜有以詐

之乃詐為糧車三百乘每車伏壯士五人各持陌刀勁

弩

陌刀大刀也一舉刀可殺數人唐六典曰陌刀長刀也步兵所持蓋古之斬馬劍釋名曰弩怒也有怒勢

也其柄曰臂似人臂也鈎弦者曰牙似牙齒也牙外曰郭為牙之規郭也合名之曰機言如機之巧也亦言如

門戶樞機開闔有節也乘繩證細

以羸兵數百為之援

羸倫為細

且伏精兵

於險要以待之虜果至羸兵弃車散走虜驅車就水中

解鞍牧馬欲取糧壯士自車中躍出擊之虜驚走復為

伏兵所邀殺獲殆盡自是糧運行者虜莫敢近

近其新翻

軍

至單于府比抵暮下營掘塹已周

掘其月朔塹七飽翻

行儉遽命

移就高岡諸將皆言士卒已安堵不可復動行儉不從

趣使移

趣讀日促

是夜風雨暴至前所營地水深丈餘

深式禁翻

諸將驚服問其故行儉笑曰自今但從我命不必問其

所由知也奉職既就禽餘黨走保狼山

狼山歌邏祿右廟部落所居也

永徽元年置狼山州屬雲中都督府

戶部尚書崔知悌馳傳詣定襄宣

慰將士且區處餘寇

傳知懋翻處昌呂翻

行儉引軍還夏四月

乙丑上幸紫桂宮戊辰黃門侍郎聞喜裴炎崔知溫

聞喜縣漢屬河東郡隋以漢聞喜縣為絳縣以漢絳縣為曲沃縣以桐鄉置聞喜縣尋改為桐鄉縣武德元年後曰聞喜屬絳州中書侍郎京兆王德真並同中書門下三品

知溫知悌之弟也秋七月吐蕃寇河源左武衛將軍

黑齒常之擊却之

考異曰實錄吐蕃大將贊婆及素和賁等帥衆三萬進寇河源屯兵于

良非川辛巳河西鎮撫大使李敬玄統衆與賊戰于湟川官軍敗績副使左武衛將軍黑齒常之帥精騎三千



夜襲賊營殺獲二千餘級贊婆等遂退擢常之為河源  
軍經略大使詔敬玄留鎮鄯州以為之援按俄鳳三年  
九月敬玄已與吐蕃戰敗于青海常之夜襲虜營賊乃  
遁與此事頗相類舊書敬玄傳止一敗無再敗常之傳  
儀鳳中從敬玄擊吐蕃走跋地設充河源軍副使時贊  
婆等屯良非川常之夜襲賊營走之擢為大使事似同  
時新書敬玄傳戰青海又戰湟川凡再敗常之傳儀鳳  
三年襲跋地設調露中襲贊婆唐歷統紀皆無今年敬  
玄敗事又實錄今年八月丁巳敬玄敗衛州刺史辛巳  
至丁巳纔三十七日賈耽皇華四達記自長安至鄯州  
約一千七百餘里時高宗又在東都若敬玄敗後累表  
稱疾得報乃來至東都必數日乃貶非三十七日之內  
所能容也今略去敬玄湟川敗事但云吐蕃寇河源常  
之擊却之而已今按劉昫唐書地理志鄯州在京師西  
一千九百  
一十三里  
擢常之為河源軍經略大使常之以河源衝

要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先是劔南募兵於茂州西南築安戎城以斷吐蕃通蠻之

路

宋白曰茂州本冉駹之國漢開為汶山郡華陽國志云宣帝地節三年武都白馬羌反使駱武平定之汶

山吏民詣武自訟一歲再度更賦至重邊人貧苦無以供給求省郡遂省汶山郡復置都尉今州即漢蜀郡汶江縣梁普通三年置純州取桃關之路以純作橋以名州後周為汶州置汶山縣唐改茂州取界內茂茲山而名

吐蕃以生羌為鄉導

先志薦錮斷丁管錮鄉讀曰嚙

攻陷其城以兵

據之由是西洱諸蠻皆降于吐蕃

洱而志錮降戶江錮

吐蕃盡據

羊同党項及諸羌之地東接涼松茂雋等州南鄰天竺

西陷龜茲疎勒等四鎮

党底郎翻雋音  
隨龜茲音丘慈

北抵突厥地方

萬餘里諸蕃之盛莫與為比 丙申鄭州刺史江王元

祥薨

鄭州漢滎陽縣地漢滎陽屬河南郡晉分為滎陽  
郡後魏屬北豫州後置鄭州隋開皇十六年改曰

管州大業初  
復曰鄭州

突厥餘衆圍雲州

雲州漢平城縣地後  
魏為代都北齊及後

周為恒安鎮貞觀七  
年置雲州及定襄縣

代州都督竇懷慈

慈與  
哲同

右領軍中

郎將程務挺將兵擊破之

將即  
亮翻

八月丁未上還東都

中書令檢校鄴州都督李敬玄軍既敗屢稱疾請還

上許之既至無疾詣中書視事上怒丁巳貶衡州刺史

衡州漢邵縣蒸陽耒陽茶陵縣地吳置湘東郡梁陳置

衡山郡隋平陳置衡州京師東南三千四百三里至東

都二千七百

有六十里

太子賢聞宮中竊議以賢為天后姊韓國

夫人所生內自疑懼明崇儼以厭勝之術為天后所信

厭於

常密稱太子不堪承繼英王貌類太宗又言相王

葉嗣

相最貴

相悉亮嗣

天后嘗命北門學士撰少陽正範

顏延之曲水詩

序曰正體毓德於少陽注云

及孝子傳以賜太子

傅直懋嗣

東宮少陽位也少詩照嗣

又數作書誚讓之

數所角嗣誚才笑嗣

太子愈不自安及崇儼死

賊不得天后疑太子所為太子頗好聲色與戶奴趙道

生等狎昵

好呼到翻  
昵尼質翻

多賜之金帛司議郎韋承慶上書

諫不聽

上時  
掌翻

天后使人告其事詔薛元超裴炎與御史

大夫高智周等裸鞠之於東宮馬坊搜得皂甲數百領

以為反具道生又款稱太子使道生殺崇儼上素愛太

子遲回欲宥之天后曰為人子懷逆謀天地所不容大

義滅親何可赦也甲子廢太子賢為庶人遣右監門中

郎將令狐智通等送賢詣京師

監古街翻  
符即亮翻

幽于別所黨

與皆伏誅仍焚其甲於天津橋南以示士民

劉昫曰東都周之王

城平王東遷所都也故城在今苑內東北隅自魏王以

後及東漢魏文晉武皆都於今故洛城隋大業元年自

故洛城西移十八里置新都今都城是也北據邙山南

對伊闕洛水貫都有河漢之象跨洛為橋曰天津橋唐

世人主往來東都西京而承慶思謙之子也

韋思謙見實都長安以長安為京師

九卷永乙丑立左衛大將軍雍州牧英王哲為皇太子

數元年

雍於改元赦天下太子洗馬劉訥言嘗撰俳諧集以獻

用翻

賢賢敗搜得之上怒曰以六經教人猶恐不化乃進俳

諧鄙說豈輔導之義邪流訥言於振州

舊志振州與崖州同在大海洲

中至京師八千六百六里至東都七千七百九十七里

洗悉薦翻撰士免翻俳蒲皆翻 考異曰新傳云除名

為民復坐事流死

左衛將軍高真行之子政為太子典

振州今從實錄

膳丞事坐與賢連上以付其父使自訓責政入門真行以

佩刀刺其喉真行兄戶部侍郎審行又刺其腹真行兄

子琬斷其首弃之道中

刺七亦翻琬從宣翻斷丁管翻

上聞之不悅貶

真行為睦州刺史審行為渝州刺史真行士廉之子也

舊志睦州京師東南三千六百五十九里至東都二千

八百二十一里渝州漢末之巴東郡隋置渝州京師西

南二千七百四十八里至東都三千

左庶子中書門下

四百三十里高士廉長孫元忌之舅

三品張大安坐阿附太子左遷普州刺史

舊志普州至京師二千三

百六十里至東都三千二百三里

其餘官僚上皆釋其罪使復位左庶

子薛元超等皆舞蹈拜恩右庶子李義琰獨引咎涕泣

時論美之 九月甲申以中書侍郎同中書門下三品

王德真為相王府長史罷政事

唐制王府置長史司馬長史從四品上司馬從

四品下長史司馬統領府僚紀綱職務相悉亮誦

冬十月壬寅蘇州刺史曹

王明

蘇州古吳國東漢為吳郡隋置蘇州因姑蘇山而名

沂州刺史嗣蔣王煒

沂州

漢琅邪國後魏置北徐州後周改沂州以沂水名隋為琅邪郡唐復以琅邪郡置沂州煒子鬼輔

皆坐



故太子賢之黨朋降封零陵郡王黔州安置煒除名道

州安置

道州漢零陵郡冷道馮乘之地隋以零陵郡置永州武德四年分置營州貞觀八年改曰道州

舊志黔州京師南三千一百九十三里至東都二千二百七十七里

丙午文成公主薨

于吐蕃 己酉車駕西還 十一月壬申朔日有食之

開耀元年

是年十月方改元新書作九月

春正月突厥寇原慶等州乙

亥遣右衛將軍李知十等屯涇慶二州以備突厥 庚

辰以初立太子敕宴百官及命婦於宣政殿

西京東內正殿曰含

元後殿 引九部伎及散樂自宣政門入

杜佑曰散樂即百戲也伎渠詩

綱散卷  
重韻

太常博士袁利貞上疏以為正寢非命婦宴會

之地路門非倡優進御之所

上時掌  
倡音昌

請命婦會於別

殿九部伎自東西門入其散樂伏望停省上乃更命置

宴於麟德殿

麟德殿麟德中所作也閏本大明宮圖翰林院密邇麟德殿韋執誼曰翰林院在右

銀臺門內麟德殿在西  
重廊之後更工衡細

宴日賜利貞帛百段利貞昂之

曾孫也利貞族孫誼為蘇州刺史自以其先自宋太尉

淑以來盡忠帝室

袁淑死於宋元山之難袁顗以死奉  
子勛袁昂盡節於齊室袁憲盡忠於

陳涉

謂琅邪王氏雖奕世台鼎而為歷代佐命

琅邪王  
氏股肱

晉室而王弘為宋室佐命王儉為齊室佐命  
梁室之興廢景之篡王亮王克為勸進之首  
耻與為比

嘗曰所貴於名家者為其世篤忠貞才行相繼故也

為于

偽翻行彼鬻婚姻求祿利者又烏足貴乎時人是其言

下孟翻  
因袁利貞併著袁詡之言以其有益於名教也

裴行儉軍既還突厥阿史那

伏念復自立為可汗

復扶又翻杜佑曰伏念頗利從兄之子

與阿史德溫

傳連兵為寇癸巳以行儉為定襄道大總管以右武衛

將軍曹懷舜幽州都督李文暕為副將兵討之

暕去限翻將即

翻亮二月天后表請赦杞王上金鄴陽王素節之罪以

上金為沔州刺史

沔州漢安陸之地晉置沔陽縣江左為魯山鎮隋開皇十七年置漢陽縣

屬復州復州治沔陽大業初改復州曰沔

素節為岳州

州唐後以沔州為復州分漢陽置沔州

刺史

岳州漢下雋縣地吳置巴陵縣晉置建昌郡梁置巴州隋改曰岳州因天岳山以名州大業初改羅

州唐後曰岳州舊志岳州京師東南二千二百三十七里至東都一千八百一十六里

仍不聽朝

集

朝直還翻

三月辛卯以劉仁軌兼太子少傅餘如故

仁軌

先為尚書左僕射

以侍中郝處俊為太子少保罷政事

同中書門下三品

少府監裴匪舒善營利

少詩照翻

奏賣苑中馬糞歲得錢二

千萬緡上以問劉仁軌對曰利則厚矣恐後代稱唐家

賣馬糞非嘉名也乃止匪舒又為上造鏡殿成

為于偽翻

上

與仁軌觀之仁軌驚趨下殿上問其故對曰天無二日

土無二王

孟子識孔子之言

適視四壁有數天子不祥孰甚焉

上遽令別去

去羌呂翻

曹懷舜與裨將竇義昭將前軍擊

突厥

將即亮翻下同又音如字

或告阿史那伏念與阿史德溫傳在

黑沙

黑沙城後突厥默啜以為南庭

左右纔二十騎以下可徑往取也

騎奇寄翻

懷舜等信之留老弱於瓠蘆泊

水白為泊

帥輕銳倍道

進至黑沙無所見人馬疲頓乃引兵還會薛延陀部落

欲西詣伏念遇懷舜軍因請降

帥讀曰率降戶江翻

懷舜等引兵

徐還至長城北遇溫傳小戰各引去至橫水

橫水去金河百四十

許里遇伏念懷舜義昭與李文暕及裨將劉敬同四軍合

為方陳

陳讀曰陣

且戰且行經一日伏念乘便風擊之軍中

擾亂懷舜等弃軍走軍遂大敗死者不可勝數

勝音升懷

舜等收散卒斂金帛以賂伏念與之約和殺牛為盟伏

念北去懷舜等乃得還

還從宣翻反音如字

夏五月丙戌懷舜免

死流嶺南 己丑河源道經略大使黑齒常之將兵擊

吐蕃論贊婆於良非川破之收其糧畜而還

書許  
救綱

常之

在軍七年吐蕃深畏之不敢犯邊 初太原王妃之薨

也

武士觀封太原王妃  
從其爵咸亨元年薨

天后請以太平公主為女官以

追福

公主天  
后女也

及吐蕃求和親請尚太平公主上乃為立

太平觀以公主為觀主以拒之

為于偽  
觀古玩翻

至是始選光

祿卿汾陰薛曜之子紹尚焉紹母太宗女城陽公主也

據會要城陽公主先降杜  
荷荷誅降薛瓘新書亦然

秋七月公主適薛氏自興安

門南至宣陽坊西燎炬相屬

自興安門而南歷三坊至  
宣陽坊萬年縣治在馬屬

之欲

夾路槐木多死紹兄顓以公主寵盛深憂之

顓魚

以問族祖戶部郎中克構

唐戶部郎掌分理戶口井田之事凡天下十道任土所出

為貢賦之羞

克構曰帝甥尚主國家故事苟以恭慎行之亦

何傷然諺曰娶婦得公主無事取官府不得不為之懼

也天后以顓妻蕭氏及顓弟緒妻成氏非貴族欲出之

曰我女豈可使與田舍女為妯娌邪

為于偽翻妯直六翻娌兩耳翻妯娌

婦也

或曰蕭氏瑀之姪孫國家舊妯

蕭瑀子銳尚太宗女襄城公主

乃

止夏州羣牧使安元壽奏自調露元年九月以來喪



馬一十八萬餘匹監牧吏卒為虜所殺掠者八百餘人

夏戶雅翻使疏吏翻喪息浪翻唐諸牧監掌羣牧孽課之事凡諸羣牧立南北東西四使以分統之其馬皆印每歲終監牧使巡案孽數以功過相除為之考課此止夏州所喪失之數薛延陀達渾等

五州四萬餘帳來降

達渾都督領姑衍州步訖若州  
嶺彈州鶻州低栗州降戶江翻

甲午左僕射兼太子少傅同中書門下三品劉仁軌固

請解僕射許之 閏七月丁未裴炎為侍中崔知溫薛

元超並守中書令 上徵田遊巖為太子洗馬在東宮

無所規益右衛副率蔣儼

右衛副率從四品上  
洗悉薦翻率所律翻

以書責

之曰足下負巢由之俊節傲唐虞之聖主聲出區宇名

流海內主上屈萬乘之重申三顧之榮

三顧用諸葛亮事上幸嵩山嘗

至遊巖所居故云然乘繩證翻

遇子以商山之客

漢四皓隱於商山

待子以不

臣之禮將以輔導儲貳漸染芝蘭耳

漸子康翻

皇太子春秋

鼎盛聖道未周僕以不才猶參庭諍足下受調護之寄

漢高帝謂四皓曰頃公卒調護太子

是可言之秋唯唯而無一談悠悠以

卒年歲

唯于葵翻卒子恤翻

向使不食周粟

夷齊休薇西山不食周粟食于安翻

僕

何敢言祿及親矣以何酬塞

遊巖有母塞悉則翻

想為不達謹書

起予

孔子謂子夏曰起予者商也為于偽翻

遊巖竟不能答 庚申上以

服餌令太子監國

監古銜翻

裴行儉軍于代州之陁口

即

門之陁嶺關口陁音刑

多縱反間由是阿史那伏念與阿史德溫

傳浸相猜貳伏念留妻子輜重於金牙山

突厥之初建牙於金山其

後分為東西突厥凡建牙之地率謂之金牙山蘇定方直抵金牙山擒賀魯此西突厥可汗所居之金牙山也裴行儉遣程務挺等掩金牙山取伏念妻子此東突厥可汗所居之金牙山也可汗所居謂之金帳故亦以金牙言之問古覓翻下同

以輕騎襲曹懷舜行儉遣裨將何

迦密自通漠道程務挺自石地道掩取之

騎奇寄翻符即亮翻下同

迦居牙翻  
又居伽翻

伏念與曹懷舜約和而還比至金牙山

還從  
宣翻

比必  
利翻

失其妻子輜重士卒多疾疫乃引兵北走細沙行

儉又使副總管劉敬同程務挺等將單于府兵追躡之

伏念請執溫傳以自效然尚猶豫又自恃道遠唐兵必

不能至不復設備

走音奏躡泥輒翻  
復扶又翻單音蟬

敬同等軍到伏念

狼狽不能整其衆遂執溫傳從間道詣行儉降候騎告

以塵埃漲天而至將士皆震恐行儉曰此乃伏念執溫

傳來降非它盜也然受降如受敵不可無備乃命嚴備

遣單使迎前勞之少選

間古苑翻降戶江翻下同騎奇寄翻使疏吏翻勞力到翻少選

猶言少項也

伏念果帥酋長縛溫傳諸軍門請罪

帥讀曰率酋慈由翻

長知兩翻

行儉盡平突厥餘黨以伏念溫傳歸京師

厥九勿翻

十月丙寅朔日有食之

壬戌裴行儉等獻定襄之

俘乙丑改元

改元開耀

丙寅斬阿史那伏念阿史德溫傳等

五十四人于都市

既書十月丙寅朔日食方書壬戌裴行儉獻俘乙丑改元又書丙寅斬阿

史那伏念等是十月一月內有二丙寅矣此舊史之誤通鑑因之失於檢點也新書是年九月乙丑改元蓋壬戌獻俘亦九月事前行儉為定襄道初行儉許伏行軍大總管以討突厥故曰獻定襄之俘

念以不死故降裴炎疾行儉之功奏言伏念為副將張

虔勗程務挺所逼又廻紇等自磧北南向逼之窮窘而

降耳

紇下沒翻  
磧七達翻

遂誅之行儉歎曰渾濬爭功

事見八十  
一卷晉武

帝太康元年言若爭伏念之死

古今所耻但恐殺降無

則是與張虔勗程務挺爭功

復來者

復扶  
又翻

因稱疾不出

丁亥新羅王法敏卒


卒子  
恤翻

遣使立其子政明 十一月癸卯徙故太子賢於巴州

舊志巴州至京師二千三百六十  
里東都二千五百八十二里



資治通鑑卷二百二



總校官庶吉士臣侍朝

校對官檢討臣龔大萬

謄錄監生臣賈捷三



欽定四庫全書薈要

史部

資治通鑑卷二百三  
四

詳校官編修臣汪鏞



資治通鑑卷二百三

宋 司馬光 撰

胡三省 音註

唐紀十九

起主獻敦祥盡宗  
北闕茂元五年

高宗天皇大聖大弘孝皇帝下

永淳元年

時以皇孫重  
照生改元

春二月作萬泉宮於藍田

藍田  
縣漢

屬京兆後魏置藍田郡  
隋廢郡為縣後屬京兆

癸未改元赦天下 戊午立

皇孫重照為皇太孫上欲令開府置官屬問吏部郎中

王方慶

吏部掌考天下之文吏之班秩階品

對曰晉及齊皆嘗立太孫

晉惠

帝立太孫臧齊武

帝立太孫昭業

其太子官屬即為太孫官屬未聞太

子在東宮而更立太孫者也上曰自我作古可乎對曰

三王不相襲禮

叔孫通之言

何為不可乃奏置師傅等官既

而上疑其非法竟不補授方慶哀之曾孫也

方慶梁王哀之曾孫

江陵陷哀徙入關遂為咸陽人哀當作褒

名綝以字行

綝丑林翻

西突厥阿史

那車薄帥十姓反

厥九勿翻帥讀曰率下同

夏四月甲子朔日有

食之上以關中飢饉米斗三百將幸東都丙寅發京

師留太子監國

監古銜  
翻下同

使劉仁軌裴炎薛元超輔之時

出幸倉猝扈從之士有餓死於中道者

從才用翻  
下以從同

上慮

道路多草竊命監察御史魏元忠檢校車駕前後元忠

受詔即閱視赤縣獄

西京以長安  
萬年為赤縣

得盜一人神采語言

異於衆命釋桎梏

桎職日翻  
梏工沃翻

襲冠帶乘驛以從

從才  
用翻

與

之共食宿

既與之共食  
又與之共宿

託以詰盜

詰去  
吉翻

其人笑許諾比

及東都

比必  
利翻

士馬萬數不亡一錢

辛未以禮部尚書

聞喜憲公裴行儉為金牙道行軍大總管

此指西突厥  
之金牙山也

帥右金吾將軍閻懷旦等三總管分道討西突厥師未

行行儉薨行儉有知人之鑒初為吏部侍郎前進士王

勳勳其咸陽尉樂城蘇味道劉昫曰樂城漢開縣後魏

屬趙州余考漢書地理志常山郡有關縣又考宋白續

通典鎮州樂城縣本漢開縣魏太和十一年於開縣故

城置樂城縣則劉均誤作開縣明矣皆未知名行儉一見謂之曰二君後

當相次掌銓衡僕有弱息願以為託弱息弱子也是時勳弟

勃與華陰楊炯范陽漢涿縣地魏文帝改為范陽郡至隋廢郡復為范陽縣華戶化翻涿縣屬幽州唐武德七年改為涿縣義烏駱賓王義烏漢為傷縣地後

漢分烏傷置長山縣晉以長山為東陽郡治所烏傷別為縣武德七年改為烏傷為義烏縣屬婺州

皆以

文章有盛名司列少常伯李敬玄尤重之

少詩  
召翻

以為必

顯達行儉曰士之致遠當先器識而後才藝勃等雖有

文華而浮躁淺露豈享爵祿之器邪楊子稍沈靜

躁則  
到翻

沈持  
林翻

應至令長餘得令終幸矣既而勃度海墮水炯終

於盈川令

黔州彭水縣漢西陽縣地武德二年分彭水  
於巴江西置盈隆縣先天元年避太子名改

曰盈川非此也衢州龍丘縣武后如意元年分置盈川縣縣西有刑溪陳時土人留異惡刑字改曰盈川因為

縣名長  
知兩翻

照鄰惡疾不愈赴水死賓王反誅

謂同徐  
敬業反

勵味

道皆典選如行儉言

選須  
胡翻

行儉為將帥所引偏裨如程

務挺張虔勗王方翼劉敬同李多祚黑齒常之後多為

名將

將即亮翻帥所  
類翻裨賓彌翻

行儉常命左右取犀角麝香而失

之又勅賜馬及鞍令史輒馳驟馬倒鞍破

此禮部  
令史也

二人

皆逃去行儉使人召還謂曰爾曹皆誤耳何相輕之甚

邪

謂懼罪責而逃是以常  
人見待相輕之甚也

待之如故破阿史那都支

見上

卷調露  
元年

得馬腦盤廣二尺餘

馬腦文石也琢以  
為盤廣古曠翻

以示將

士軍吏王休烈捧盤升階跌而碎之

跌徒  
結翻

惶恐叩頭流

血行儉笑曰爾非故為何至於是不復有追惜之色詔

賜都支等資產金器三千餘物襍畜稱是

復扶又翻畜許救翻稱尺

證並分給親故及偏裨數日而盡阿史那車薄圍弓

月城安西都護王方翼引軍救之破虜衆於伊麗水

自

月城過思潭川蟄失密城渡伊麗河至碎葉界

斬首千餘級俄而三姓咽麴與

車薄合兵拒方翼方翼與戰於熱海

碎葉城東有熱海地寒不凍咽於句

翻麴

流矢貫方翼臂方翼以佩刀截之左右不知所

將胡兵謀執方翼以應車薄方翼知之悉召會議陽出



軍資賜之以次引出斬之會大風方翼振金鼓以亂其聲誅七十餘人其徒莫之覺既而分遣裨將襲車薄咽麴大破之擒其酋長三百人

酋慈由翻長知兩翻

西突厥遂平閭

懷旦竟不行方翼尋遷夏州都督徵入議邊事上見方

翼衣有血漬

夏戶雅翻清疾智翻

問之方翼具對熱海苦戰之狀

上視瘡歎息竟以廢后近屬不得用而歸

廢后方翼從祖女弟也歸

者後歸夏州

乙酉車駕至東都丁亥以黃門侍郎潁川

郭待舉

隋改長社為潁川縣武德四年後曰長社屬許州

兵部侍郎岑長倩祕

書負外少監檢校中書侍郎鼓城郭正一吏部侍郎鼓

城魏玄同

鼓城漢臨平下曲陽兩縣之地屬鉅鹿郡隋分棗城於下曲陽故城東五里置昔陽縣尋

改為鼓城時屬定州

並與中書門下同承受進止平章事上欲用

待舉等謂韋知溫曰待舉等資任尚淺且令預聞政事

未可與卿等同名自是外司四品已下知政事者始以

平章事為名長倩文本之兄子也

岑文本輔太宗

先是玄同為

吏部侍郎

先悉薦翻

上言銓選之弊

上時掌翻

以為人君之體當

委任而責成功所委者當則所用者自精矣

者當丁浪翻

故

周穆王命伯冏為太僕正曰慎簡乃僚

見書同命

是使羣司

各求其小者而天子命其大者也乃至漢氏得人皆自

州縣補署五府辟召然後升於天朝

見後漢紀朝直選

自魏晉

以來始專委選部

選須絹細

夫以天下之大士人之衆而委

之數人之手用刀筆以量才案簿書而察行

量音良行下孟細

借使平如權衡明如水鏡猶力有所極照有所窮況所

委非人而有愚闇阿私之弊乎願略依周漢之規以救

魏晉之失疏奏不納

五月東都霖雨乙卯洛水溢溺

民居千餘家關中先水後旱蝗繼以疾疫米斗四百兩

京間死者相枕於路

枕之任翻

人相食

上既封泰山欲遍

封五嶽秋七月作奉天宮於嵩山南

奉天宮在洛州嵩陽縣

監察

御史裏行李善感諫曰

裏行者資序未至未正除監察御史令於監察御史班裏行也

監古街翻

陛下封泰山告太平致羣瑞與三皇五帝比隆矣

數年以來菽粟不稔餓殍相望四夷交侵兵車歲駕陛

下宜恭默思道以禳災譴

禳加羊翻

乃更廣營宮室勞役不

休天下莫不失望臣忝備國家耳目竊以此為憂上雖

不納亦優容之自褚遂良韓瑗之死

見二百卷顯慶三年四年瑗于春翻

中外以言為諱無敢逆意直諫幾二十年及善感始諫

天下皆喜謂之鳳鳴朝陽

詩卷阿曰鳳皇鳴矣于彼高岡梧桐生矣于彼朝陽注云

梧桐桑木也山東曰朝陽梧桐不生山岡太平而後生朝陽幾居依翻

上遣宦者緣江

徙異竹欲植苑中宦者科舟載竹所在縱暴過荊州荊

州長史蘇良嗣因之上疏切諫

上時掌胡下同

以為致遠方異

物煩擾道路恐非聖人愛人之意又小人竊美威福虧

損皇明上謂天后曰吾約束不嚴果為良嗣所怪手詔

慰諭良嗣令奔竹江中良嗣世長之子也

蘇世長見一百八十八卷

高祖武德四年

黔州都督謝祐希天后意逼零陵王明令自

殺

明徙黔州見上卷  
永隆元年黔音琴

上深惜之黔府官屬皆坐免官祐

後寢於平閣與婢妾十餘人共處

處昌呂翻

夜失其首垂拱

中明子零陵王俊黎國公傑為天后所殺有司籍其家  
得祐首漆為穢器題云謝祐乃知明子使刺客取之也

太子留守京師頗事遊畋薛元超上疏規諫上聞之

遣使者慰勞元超

使疎吏翻  
勞力到細

仍召赴東都吐蕃將論

欽陵寇柘松翼等州

顯慶三年開置柘州蓬山郡屬松州都督府宋白作拓曰以開拓為

稱今按新舊書皆作柘翼州本漢蠻陵縣地故城在州西有蠻陵山隋為翼斜縣唐武德元年置翼州隋縣名

唐州取州南

翼水為名 詔左驍衛郎將李孝逸右衛郎將衛蒲山

發秦渭等州兵分道禦之

驍聖亮翻將即亮翻

冬十月丙寅黃

門侍郎劉景先同中書門下平章事

是歲突厥餘黨

阿史那骨篤祿

骨篤祿亦曰骨咄祿頡利族人也雲中都督舍利元英之部酋世襲吐屯

阿

史德元珍等招集亡散據黑沙城反

杜佑曰阿史德元珍習知中國風俗

邊塞虛實在單于府檢校降戶部落坐事為單于長史王本立所拘繫會骨咄祿入寇元珍請依舊檢校部落

本立許之因便投骨吐祿骨吐祿得之甚喜以為阿波大達干令專統兵馬事入寇并州及單

于府之北境

單音蟬

殺嵐州刺史王德茂右領軍衛將軍

檢校代州都督薛仁貴將兵擊元珍於雲州虜問唐大

將為誰應之曰薛仁貴虜曰吾聞仁貴流象州

仁貴以大非川

之敗除名起為雞林道總管復坐事貶象州

死久矣何以給我

結蕩亥翻

仁貴免

胄示之面虜相顧失色下馬列拜稍稍引去仁貴因奮擊大破之斬首萬餘級捕虜二萬餘人吐蕃入寇河

源軍軍使婁師德將兵擊之於白水澗

白水澗有白水軍注見後使疏



吏翻下同將  
即亮翻下同

八戰八捷上以師德為比部員外郎左驍

衛郎將河源軍經略副使曰卿有文武材勿辭也

比音  
號

堅亮

翻

弘道元年

是年十二  
月改元

春正月甲午朔上行幸奉天宮

二月庚午突厥寇定州刺史霍王元軌擊却之乙亥復

寇媯州

後扶又翻下同  
復同媯居為翻

三月庚寅阿史那骨篤祿阿史

德元珍圍單于都護府執司馬張行師殺之遣勝州都

督王本立夏州都督李崇義將兵分道救之太子右

庶子同中書門下三品李義琰改葬父母使其舅氏遷舊墓上聞之怒曰義琰倚執乃陵其舅家不可復知政事義琰聞之不自安以足疾乞骸骨庚子以義琰為銀

青光祿大夫致仕

癸丑守中書令崔知溫薨

舊制凡九品已

上執事官皆帶散位謂之本品職事則隨才叙用或去閑入劇或去高就卑遷徙出入參差不定散位則一切以門蔭結品然後以勞考進叙武德令職事解散官欠一階不至為兼職事卑者不解散官貞觀令以職事高者為守職事卑者為行仍帶散位其欠一階仍舊為兼或帶散官或為守參而用之其兩職事亦為兼頗相錯亂咸亨二年始一切為守其欠一階之兼古念翻其兩職事之兼古恬翻字同音異耳

夏四月

己未車駕還東都

綏州步落稽白鐵余

步落稽稽胡也

埋銅

佛於地中久之草生其上給其鄉人曰吾於此數見佛

光

給蕩支翻數所角翻

擇日集衆掘地果得之因曰得見聖佛者

百疾皆愈遠近赴之鐵余以雜色囊盛之數十重得厚

施乃去一囊

盛時征胡重直龍翻施式鼓翻去羌呂翻

數年間歸信者衆遂

謀作亂據城平縣自稱光明聖皇帝置百官進攻綏德

大斌二縣

城平及二縣皆屬綏州西魏所置也宋白曰二縣皆漢膚施縣地魏神龜元年置城中縣

隋避諱改為城平大斌縣時理城平縣界魏平故城綏德縣亦膚施地魏大統十二年分上郡南界丘尼谷置

縣歐陽修曰大試者取精  
胡懷化文武雜半以為名

殺官吏焚民居遣右武衛將

軍程務挺與夏州都督王方翼討之甲申攻拔其城擒

鐵余餘黨悉平

考異曰食載云延州稽胡又云自魏  
月九王又云儀鳳中務挺斬平之今從

實錄五月庚寅上幸芳桂宮

儀鳳二年營紫桂宮於池  
池縣西五里調露二年改

曰避暑宮永淳元  
年又改曰芳桂宮

至合璧宮遇大雨而還 乙巳突厥

阿史那骨篤祿等寇蔚州殺刺史李思儉

蔚州時為忠  
順軍節度

豐州都督崔智辨將兵邀之於朝那山北

朝丁度集韻  
音與邾同牛

頭朝那山在  
豐州河北

兵敗為虜所擒朝議欲廢豐州遷其百姓

於靈夏豐州司馬唐休璟

都督府司馬也唐制下都督府長史司馬從五品上上

言以為豐州阻河為固居賊衝要自秦漢已來列為郡

縣土宜耕牧隋季喪亂

上時掌翻喪息浪翻

遷百姓於寧慶二州

致胡虜深侵以靈夏為邊境貞觀之末募人實之西北

始安今廢之則河濱之地復為賊有

復扶又翻又音如字

靈夏等

州人不安業非國家之利也乃止

六月突厥別部寇

掠嵐州偏將楊玄基擊走之

厥九勿翻將即亮翻

秋七月己丑

立皇孫重福為唐昌王

重直龍翻

庚辰詔以今年十月有

事於嵩山尋以上不豫改用來年正月 甲辰徙相王

輪為豫王更名旦

相息亮翻  
更工衛翻

中書令兼太子左庶子

薛元超病瘖乞骸骨許之

瘖於  
今翻

八月己丑以將封嵩

山召太子赴東都留唐昌王重福守京師以劉仁軌為

之副冬十月己卯太子至東都 癸亥車駕幸奉天宮

十一月丙戌詔罷來年封嵩山上疾甚故也上苦頭

重不能視召侍醫秦鳴鶴診之

殿中省尚藥局有侍御  
醫四人從六品上診止

忍 鳴鶴請刺頭出血可愈

刺七  
亦翻

天后在簾中不欲上疾

愈怒曰此可斬也乃欲於天子頭刺血鳴鶴叩頭請命

上曰但刺之未必不佳乃刺百會腦戶二穴

鍼灸經百會一名三

陽五會在前頂後寸半頂中央旋毛中可容豆鍼二分得氣即瀉腦戶一名合顧在枕骨上強後寸半禁鍼鍼令人瘞舊傳鳴鶴鍼微出血頭疼立止上曰吾目似明矣后舉手加額曰

天賜也自負綵百匹以賜鳴鶴 戊戌以右武衛將軍

程務挺為單于道安撫大使招討阿史那骨篤祿等

詔太子監國

監古樹翻

以裴炎劉景先郭正一同東宮平章

事 上自奉天宮疾甚宰相皆不得見丁未還東都百

官見於天津橋南

見賢通鑑

十二月丁巳改元赦天下上

欲御則天門樓宣赦氣逆不能乘馬乃召百姓入殿前

宣之是夜召裴炎入受遺詔輔政上崩於貞觀殿

年五十六

觀古遺詔太子柩前即位

柩音舊

軍國大事有不決者兼

取天后進止廢萬泉芳桂奉天等宮庚申裴炎奏太子

未即位未應宣敕有要速處分

處昌呂翻分扶問編

望宣天后令

於中書門下施行甲子中宗即位尊天后為皇太后政

事咸取決焉太后以澤州刺史韓王元嘉等地尊望重



澤州漢高都端氏注氏之地西燕慕容永置建興郡後魏置建州隋改澤州大業廢州為長平郡唐後曰澤州

宋白曰取

恐其為變並加三公等官以慰其心 甲戌

後澤為名

以劉仁軌為左僕射裴炎為中書令戊寅以劉景先為侍中故事宰相於門下省議事謂之政事堂故長孫無忌為司空房玄齡為僕射魏徵為太子太師皆知門下省事及裴炎遷中書令始遷政事堂於中書省 壬午遣左威衛將軍王果左監門將軍令狐智通右金吾將軍楊玄儉右千牛將軍郭齊宗分往并益荆揚四大都

督府與府司相知鎮守

以國有大故備不虞也  
監古銜翻并平經翻

中書

侍郎同平章事郭正一為國子祭酒罷政事

則天順聖皇后上之上

后姓武氏諱曌并州文水人后自製曌字讀與照同

音之笑翻天寶八載追上

尊號曰則天順聖皇后

光宅元年

是年九月方改元光宅

春正月甲申朔改元嗣聖

此太子即

位踰年所改之元也

赦天下

立太子妃韋氏為皇后擢后父玄

貞自普州參軍為豫州刺史

此豫州本春秋沈蔡二國之地漢為汝南郡宋文帝

立司州治懸瓠城以為重鎮魏改豫州唐因之後避代宗諱改為蔡州

癸巳以左散騎常

侍杜陵韋弘敏為太府卿同中書門下三品

自漢宣帝起杜陵邑

至後漢為縣屬京兆隋遷京城始并杜陵入大興縣唐改大興曰萬年散悉置緡騎奇寄緡

中宗

欲以韋玄貞為侍中又欲授乳母之子五品官裴炎固

爭中宗怒曰我以天下與韋玄貞何不可而惜侍中邪

炎慙白太后密謀廢立二月戊午太后集百官於乾元

殿裴炎與中書侍郎劉禕之羽林將軍程務挺張虔勗

漢置南北軍掌衛京師南軍若唐諸衛也北軍若唐羽林軍也漢武帝名羽林曰建章營騎屬光祿勳後更名羽林騎取六郡良家子及死事之孤為之後漢置羽林監南朝因之後魏周曰羽林率隨左右屯衛所領兵名

曰羽林貞觀中置北衙七營兵選才力驍勇者充龍朔二年曰左右羽林軍置大將軍各一員將軍各二員品同諸衛統領北衙禁兵之法令而督攝左右廂飛騎之儀仗以統諸曹之職取府兵越騎步射以爲羽林軍士大朝會則執仗以衛階陛行幸則勒兵入宮宣太后令

矢馳道爲內仗

邪音耶禱吁韋翻

廢中宗爲廬陵王扶下殿

下遜嫁翻

中宗曰我何辜太后曰

汝欲以天下與韋玄貞何得無辜乃幽于別所已未立

雍州牧豫王旦爲皇帝

雍於用翻

政事決於太后居睿宗於

別殿不得有所預立豫王妃劉氏爲皇后后德威之孫

也

劉德威嘗禮之父

有飛騎十餘人飲於坊曲

置飛騎見一百九十五卷貞觀

十二年時  
奇寄翻

一人言臯知別無勲賞不若奉廬陵一人起

出詣北門告之

北門在武門也

座未散皆捕得繫羽林獄言者

斬餘以知反不告皆絞告者除五品官告密之端自此

興矣 壬子以永平郡王成器為皇太子睿宗之長子

也赦天下改元文明

改嗣聖為文明

庚申廢皇太孫重照為庶

人命劉仁軌專知西京留守事流韋玄貞於欽州

舊志欽州

至京師五千二百五十一里

太后與劉仁軌書曰昔漢以關中事委

蕭何

見漢高帝紀

今託公亦猶是矣仁軌上疏辭以衰老不

堪居守

守式又翻

因陳呂后禍敗事以申規戒

呂氏禍敗事見漢高后紀

太后使祕書監武承嗣齎璽書慰諭之曰今以皇帝諒

闇不言

璽斯氏翻闇音陰

眇身且代親政遠勞勸戒復辭衰疾

復扶又翻

又云呂氏見嗤於後代祿產貽禍於漢朝

朝直遙翻下同

引喻良深愧慰交集公忠貞之操終始不渝勁直之風

古今罕比初聞此語能不罔然靜而思之是為龜鏡况

公先朝舊德遐邇具瞻願以匡救為懷無以暮年致請

辛酉太后命左金吾將軍丘神勣詣巴州檢校故太

子賢宅以備外虞其實風使殺之

風讀曰諷

神勳行恭之子

也

丘行恭為將歷事高祖太宗

甲子太后御武成殿

唐六典洛陽宮南三門中

曰應天左曰興教右曰光政光政之內曰廣運其北曰明福明福之東曰武成門其內曰武成殿

皇帝

帥王公以下上尊號

帥讀曰率上時掌制

丁卯太后臨軒遣禮部

尚書武承嗣冊嗣皇帝自是太后常御紫宸殿

唐六典洛陽宮

不載紫宸殿以西京大明宮準之紫宸殿內朝也其位置當在乾元殿後

施黶紫帳以視朝

紫色之淺者為黶紫朝直還制

丁丑以太常卿檢校豫王府長史王

德真為侍中

句斷

中書侍郎檢校豫王府司馬劉禕之同

中書門下三品 三月丁亥徙杞王上金為畢王鄱陽

王素節為葛王 丘神勣至巴州幽故太子賢於別室

逼令自殺

考異曰則天實錄賢死在二月丘神勣往巴州下舊本紀在三月唐歷達神勣舉哀追

封皆有日今從之

太后乃歸臯於神勣戊戌舉哀於顯福門

顯福

門意即明福門六典避中宗諱改顯為明耳

貶神勣為疊州刺史己亥追封

賢為雍王

雍於用翻

神勣尋復入為左金吾將軍

復扶又翻

夏

四月開府儀同三司梁州都督滕王元嬰薨 辛酉徙

畢王上金為澤王拜蘇州刺史葛王素節為許王拜絳



州刺史 癸酉遷廬陵王于房州丁丑又遷于均州故

濮王宅

即貞觀末濮王泰遷均州所居故宅濮博本朝

五月丙申高宗靈駕

西還 閏月以禮部尚書武承嗣為太常卿同中書門

下三品 秋七月戊午廣州都督路元奩為崑崙所殺

崑崙國在林邑南去交趾海行三百餘日習俗文字與婆羅門同崑盧昆朝

元奩聞懦僚屬

恣橫

橫戶孟朝

有商舶至

舶音白

僚屬侵漁不已商胡訴於元

奩元奩索枷欲繫治之

索山客朝枷音加

羣胡怒有崑崙袖劍

直登聽事

聽請曰聽

殺元奩及左右十餘人而去無敢近者

近其  
新翻

登舟入海追之不及

温州大水

後漢分章安之東甌鄉置永寧

縣屬會稽郡晉分為永嘉郡隋廢郡為永嘉縣屬括州武德五年後於永嘉置嘉州貞觀五年廢嘉州以縣屬

括州上元二年分置温州

流四千餘家

突厥阿史那骨篤祿等寇

朔州

八月庚寅葬天皇帝于乾陵

乾陵在奉天縣北五里梁山

廟號高宗

初尚書左丞馮元常為高宗所委高宗晚

年多疾每曰朕體中不佳可與元常平章以聞元常嘗

密言中宮威權太重宜稍抑損高宗雖不能用深以其

言為然及太后稱制四方爭言符瑞嵩陽令樊文獻瑞

石太后命於朝堂示百官

朝直選制

元常奏狀涉諂詐不可

誣罔天下太后不悅出為隴州刺史

舊志隴州京師西四百九十六里至

東都一千三百二十五里

元常子琮之曾孫也

馮子琮仕於高齊

丙午太

常卿同中書門下三品武承嗣罷為禮部尚書

枯州

大水流二千餘家

九月甲寅赦天下改元

改元先宅

旗幟

皆從金色

幟昌志制

八品以下舊服青者更服碧

青色之深者為碧更

工衛制

改東都為神都宮名太初又改尚書省為文昌臺

左右僕射為左右相六曹為天地四時六官門下省為

驚臺中書省為鳳閣侍中為納言中書令為內史御史

臺為左肅政臺增置右肅政臺

左臺專知京師百官及監諸軍旅并承詔出使

右臺專知諸州按察杜佑曰武后置左右肅政臺左以

察朝廷右以澄郡縣後廢右臺以其官隸左臺左臺本

御史臺也右臺地

其餘省寺監率之名

秘書殿中二省九卿寺少府將

今太僕寺是也作國子軍器等

悉以義類改之

以左武衛大將軍程

監東宮十率

務挺為單于道安撫大使

單音蟬使疏吏翻

以備突厥

武承

嗣請太后追王其祖

王于況翻

立武氏七廟太后從之裴炎

諫曰太后母臨天下當示至公不可私於所親獨不見

呂氏之敗乎太后曰呂后以權委生者故及於敗今吾

追尊亡者何傷乎對曰事當防微杜漸不可長耳

長知兩翻

太后不從已已追尊太后五代祖克已為魯靖公妣為

夫人高祖居常為太尉北平恭肅王曾祖儉為太尉金

城義康王祖華為太尉太原安成王考士護為太師魏

定王

魏一號翻

祖妣皆為妃裴炎由是得罪又作五代祠堂

於文水

文水縣舊受陽隋開皇十一年更名屬并州

時諸武用事唐宗室人

人自危衆心憤惋

惋烏賁翻

會眉州刺史英公李敬業及弟

盤屋令敬猷

漢武帝置盤屋縣屬扶風後漢晉省後魏復置後周置周南郡隋廢郡以盤屋縣屬

京兆唐置岐州

盤屋音舟室

給事中唐之奇長安主簿駱賓王

唐赤縣主

簿從八品上

詹事司直杜求仁

唐詹事司直正九品上掌彈劾官僚糾舉職事

皆坐

事敬業貶柳州司馬敬猷免官之奇貶枯蒼令

漢會稽回浦縣

後漢更名章安光武分章安縣之南鄉置松陽縣隋分松陽之東界置枯蒼縣帶枯州以枯蒼山名縣

賓

王貶臨海丞

吳分章安置臨海縣屬臨海郡隋廢郡以縣屬枯州唐分帶台州

求仁貶

黜令

唐屬歙州黜縣漢屬丹陽郡吳分屬新安郡隋唐屬歙州黜師古音伊劉昫音翳

求仁正倫之

姪也

杜正倫事太宗高宗

盤屋尉魏思溫嘗為御史復被黜

復扶又謂

皆會於揚州

舊志揚州京師東南二千七百五十里至東都一千七百四十九里

各自

以失職怨望乃謀作亂以匡復廬陵王為辭思溫為之

謀主使其黨監察御史薛仲璋求奉使江都

江都縣帶揚州監古

街翻使疏吏翻

令雍州人韋超詣仲璋告變云揚州長史陳敬

之謀反仲璋收敬之繫獄居數日敬業乘傳而至

雍於用翻

傳知戀翻

矯稱揚州司馬來之官云奉密旨以高州酋長馮

子猷謀反

酋慈由翻長知兩翻

發兵討之於是開府庫令士曹參

軍李宗臣就錢坊驅囚徒工匠授以甲斬敬之於繫所

考異曰實錄作薛璋御史堂記云薛仲璋矯使揚州

與徐敬業等謀反夜與江都令韋知止子茂道計議倉

曹參軍閻識微發之長史陳敬之不察抑識微令避謝

仲璋伴事竟還出郭門群官畢從其黨韋超遮道告密

復留繫問遂斬敬之今錄事參軍孫處行拒之亦斬以

事從實錄仲璋從臺記

徇

處音昌  
呂翻

僚吏無敢動者遂起一州之兵復稱嗣聖元

年

復扶又翻  
又如字

開三府一曰匡復府二曰英公府三曰揚

州大都督府敬業自稱匡復府上將領揚州大都督

將即

亮翻以之竒求仁為左右長史宗臣仲璋為左右司馬思

溫為軍師賓王為記室旬日間得勝兵十餘萬

勝音升

移



徽州縣略曰偽臨朝武氏者

遙直朝

人非溫順地實寒微

昔充太宗下陳

陳列也戰國策曰美人充下陳

嘗以更衣入侍

衛子夫以更衣

得幸漢武帝賓王用此事更工衡翻

洎乎晚節穢亂春宮

東宮亦謂之春宮洎其冀翻

密隱先帝之私陰圖後庭之嬖踐元后於羣翟

羣翟后服也羣

音暉陷吾君於聚麀

記曰夫惟禽獸無禮故父子聚麀麀於求翻

又曰殺姊屠

兄

姊謂韓國夫人兄謂元興元慶事見二百一卷高宗乾封元年

弑君鴆母

此以高宗要駕及太

原王妃之死為后罪

人神之所同嫉天地之所不容又曰包藏禍

心竊窺神器君之愛子幽之於別宮

謂居唐宗於別殿

賊之宗

盟委之以重任

謂用武  
承嗣等

又曰一杯之土未乾

杯蒲侯翻  
乾音干

六尺之孤安在又曰試觀今日之域中竟是誰家之天下大后見檄問曰誰所為或對曰駱賓王太后曰宰相

之過也人有如此才而使之流落不偶乎敬業求得人

貌類故太子賢者給衆云賢不死亡在此城中令吾屬

舉兵

給蕩  
亥翻

因奉以號令楚州司馬李崇福帥所部三縣

應敬業

楚州本漢射陽鹽漬縣地晉置山陽郡隋開皇  
初罷郡十二年置楚州大業初州廢唐初復置

帥請曰率所部三縣  
山陽鹽城安宜也

盱眙人劉行舉獨據縣不從敬業

遣其將尉遲昭攻盱眙

盱眙縣漢屬臨淮郡後漢屬下邳國晉安帝分置盱眙郡陳置

北魏州隋廢為縣屬江都郡唐屬楚州盱眙音吁怡其將即亮翻尉紆勿翻

詔以行舉為遊

擊將軍以其弟行實為楚州刺史甲申以左玉鈐衛大

將軍李孝逸為揚州道大總管

是年改左右領軍衛為左右五鈐衛

將兵

三十萬以將軍李知十馬敬臣為之副以討李敬業

武承嗣與其從父弟右衛將軍三思以韓王元嘉魯王

靈夔屬尊位重

從才用翻二王皆高祖子

屢勸太后因事誅之太后

謀於執政劉禕之韋思謙皆無言

禕吁韋翻

內史裴炎獨固

爭太后愈不悅三思元慶之子也及李敬業舉兵薛仲

璋炎之甥也炎欲示閒暇不及議誅討太后問計於

炎對曰皇帝年長長知不親政事故豎子得以為辭若

太后返政則不討自平矣監察御史藍田崔營聞之上

言監古銜翻炎受顧託大權在已若無異圖何故請太

后歸政太后命左肅政大夫金城騫味道左肅政大夫

也蘭州五泉縣本漢金城縣隋更名高宗咸亨二年復為金城縣風俗通騫姓問子騫後侍御史櫟

陽魚承暉鞠之漢高帝改櫟陽縣為萬年縣後世因之至隋並屬京兆唐改隋大興縣曰萬年

以漢萬年縣復曰櫟

陽屬華州櫟音藥

# 收炎下獄

下遊嫁細 考異曰新傳云炎謀乘太后出遊

龍門以兵執之還政天子會久雨太后不出而止若炎實有此謀則太后殺之宜矣且炎有此謀必有同黨當炎下獄崔替李景謀筆無事猶欲陷之況有此跡其同黨能不首告乎又朝野僉載裴炎為中書令時徐敬業欲反令賂賓王畫計取裴炎同起事賓王足踏壁靜思食頃乃為誑曰一片火兩片火緋衣小兒當殿坐教炎往上小兒誦之并都下小兒皆唱炎乃訪學者令解之召賓王數啖以寶物錦綺皆不言又賂以音樂妓女駿馬亦不語乃將古忠臣烈士圖共觀之見司馬宣王賓王欽然起曰此英雄丈夫也即說自古大臣執政多移社稷炎大喜賓王曰但不知誑識如何耳炎告以誑言片火緋衣之事賓王即下北面而拜曰此真人矣遂與敬業等合謀揚州兵起炎從內應書與敬業等合謀唯有青猊字人有告者朝臣莫之能解則天曰此青字者

十二月魏字者我自與也遂誅炎此  
皆當時構陷炎者所言耳非其實也

炎被收辭氣不屈

或勸炎遜辭以免炎曰宰相下獄安有全理

下遜嫁  
翻下同

鳳

閣舍人李景謚證炎必反

鳳閣舍人中書舍人也謚氏士翻

劉景先及

鳳閣侍郎義陽胡元範

義陽舊曰平陽隋開皇初改曰義陽劉昫曰義陽漢平氏縣之

義陽鄉也魏分南陽置義陽郡晉自石城徙居仁順今申州理所是也

皆曰炎社稷元臣

有功於國悉心奉上天下所知臣敢明其不反太后曰

炎反有端顧卿不知耳對曰若裴炎為反則臣等亦反

也太后曰朕知裴炎反知卿等不反文武間證炎不反

者甚衆太后皆不聽俄并景先元範下獄丁亥以騫味  
道檢校內史同鳳閣鸞臺三品李景謐同鳳閣鸞臺平  
章事 魏思溫說李敬業曰

說翰  
芮綰

明公以匡復為辭宜

帥大衆鼓行而進直指洛陽

帥讀  
曰率

則天下知公志在勤

王四面響應矣薛仲璋曰金陵有王氣且大江天險足

以為固不如先取常潤

潤州江左為京口重鎮隋為延  
陵縣屬江都郡唐武德三年置

潤州取潤浦  
以為州名

為定霸之基然後北向以圖中原進無不

利退有所歸此良策也思溫曰山東豪傑以武氏專制

憤惋不平

阮鳥貫翻

聞公舉事皆自蒸麥飯為糧伸鋤為兵

以俟南軍之至不乘此勢以立大功乃更蓄縮自謀巢

穴遠近聞之其誰不解體敬業不從使唐之奇守江都

將兵度江攻潤州

按舊志揚州至潤州四十八里潤州古朱方之地漢為丹徒縣吳為京口

置京督以鎮又為徐陵督爾雅絕高曰京其城因山為壘緣江為境因謂之京口晉為南徐州隋置潤州取州

東潤浦為名尋廢州唐復置

思溫謂杜求仁曰兵勢合則彊分則弱

敬業不并力度淮收山東之衆以取洛陽敗在眼中矣

士辰敬業陷潤州執刺史李思文

考異曰唐紀云李思文拒守四十餘日



而陷按敬業九月丁丑起兵十一月庚申賊繞四十四日耳今不取以李宗臣代之思文

敬業之叔父也知敬業之謀先遣使間道上變

使疏吏  
細問古

見細上  
時掌細

為敬業所攻拒守久之力屈而陷思溫請斬以

徇敬業不許謂思文曰叔黨於武氏宜改姓武潤州司

馬劉延嗣不降

江戶  
降細

敬業將斬之思溫救之得免與思

文皆囚於獄中延嗣審禮從父弟也

劉審禮戰沒於  
青海從才用細

曲

阿令河間尹元貞引兵救潤州

曲阿縣本雲陽秦始皇  
改曰曲阿前漢屬會稽

郡後漢屬吳郡晉屬晉陵郡隋屬江都郡唐屬潤  
州河間漢州鄉縣地屬涿郡隋為河間縣屬瀛州

戰敗

為敬業所擒臨以白刃不屈而死 丙申斬裴炎于都

亭

洛陽都亭

炎將死顧兄弟曰兄弟官皆自致炎無分毫之

力今坐炎流竄不亦悲乎籍沒其家無甌石之儲

甌都監

劉景先貶普州刺史胡元範流瓊州而死

舊志瓊州至兩京與崖州

道里相類

裴炎弟子太僕寺丞佺先

佺直又翻

年十七上封事請

見言事太后召見詰之曰汝伯父謀反尚何言佺先曰

臣為陛下畫計耳

上時掌翻見賢通翻詰去吉翻為于偽翻

安敢訴冤陛下

為李氏婦先帝棄天下遽攬朝政

朝直送翻

變易嗣子踈斥

李氏封崇諸武臣伯父忠於社稷反誣以辜戮及子孫

陛下所為如是臣實惜之陛下早宜復子明辟高枕深

居則宗族可全不然天下一變不可復救矣

枕之任翻  
復扶又翻

太后怒曰胡白

胡何也白陳也  
言何等陳白也

小子敢發此言命引出

由先反顧曰今用臣言猶未晚如是者三太后命於朝

堂杖之一百長流瀼州

貞觀十二年李弘節遣欽州首  
領賓師古尋劉方故道行達交

趾開拓夷獠置瀼州取瀼水以名州也舊志曰瀼州無  
兩京地里北至容州二百八十二里容州至京師五千

九百一十里至東都五千  
四百八十五里瀼而章翻

炎之下獄也郎將姜嗣宗使

至長安劉仁軌問以東都事嗣宗曰嗣宗覺裴炎有異  
於常久矣仁軌曰使人覺之邪嗣宗曰然仁軌曰仁軌  
有奏事願附使人以聞

下邳嫁翻將即亮翻  
使疏吏翻邪音耶

嗣宗曰諾

明日受仁軌表而還表言嗣宗知裴炎反不言太后覽  
之命拉嗣宗於殿庭絞於都亭

先拉其幹而後絞殺之  
還從宣翻又音如字拉

盧合

丁酉追削李敬業祖考官爵發冢斲棺復姓徐

氏李景謏罷為司賓少卿

是年改鴻臚為司賓  
謏氏士翻少始照翻

以右

史武康沈君諒著作郎崔營為正諫大夫同平章事

徐敬業聞李孝逸將至自潤州回軍拒之屯高郵之下

阿溪

高郵縣漢屬廣陵國魏省晉武帝復置梁置廣業郡隋廢郡以高郵縣屬江都郡唐屬揚州九域志

在州西北一百里宋白曰揚州天長縣本廣陵縣地唐

開元二十九年於下阿置千秋縣天寶五年改天長梁

曾於石梁置涇州以此言之

使徐敬猷逼淮陰

淮陰縣漢屬臨

蓋下阿溪即今石梁河也

淮郡晉屬廣陵郡後魏置淮陰郡隋廢入

別將韋超尉

山陽縣乾封元年分山陽後置屬楚州

遲昭屯都梁山

肝胎縣有都梁山將即亮翻下同尉紆勿翻

李孝逸軍至臨

淮

泗州

偏將雷仁智與敬業戰不利孝逸懼按兵不進

殿中侍御史魏元忠謂孝逸曰天下安危在茲一舉四

方承平日久忽聞狂狡注心傾耳以俟其誅今大軍久

留不進遠近失望萬一朝廷更命它將以代將軍

將即亮

更工將軍何辭以逃逗撓之舉乎

逗音豆撓奴教翻

孝逸乃引

軍而前壬寅馬敬臣擊斬尉遲昭於都梁山十一月辛

亥以左鷹揚大將軍黑齒常之為江南道大總管討敬

業

是年改左右武衛為左右鷹揚衛

韋超擁衆據都梁山諸將皆曰超

憑險自固士無所施其勇騎無所展其足且窮寇死戰

攻之多殺士卒不如分兵守之大軍直趣江都覆其巢

穴支度使薛克揚曰

唐制凡天下邊軍有支度使以計軍資糧仗之用所費皆申度支會

計以長行旨為準起七喻翻使疏吏翻

超雖據險其衆非多今多留兵則

前軍勢分少留兵則終為後患

少詩詔翻

不如先擊之其勢

必舉舉都梁則淮陰高郵望風瓦解矣魏元忠請先擊

徐敬猷諸將曰不如先攻敬業敬業敗則敬猷不戰自

擒矣若擊敬猷則敬業引兵救之是腹背受敵也元忠

曰不然賊之精兵盡在下阿烏合而來利在一決萬一

失利大事去矣敬猷出於博徒不習軍事其衆單弱人

情易揺

易以鼓鋼

大軍臨之駐馬可克敬業雖欲救之計程

必不能及我克敬猷乘勝而進雖有韓白不能當其鋒  
矣今不先取弱者而遽攻其彊非計也孝逸從之引兵  
擊超超夜遁進擊敬猷猷脫身走庚申敬業勒兵阻  
溪拒守後軍總管蘇孝祥夜將五千人以小舟度溪先  
繫之兵敗孝祥死士卒赴溪溺死者過半

將即亮翻溺奴狹翻過古

禾左豹韜衛果毅漁陽成三朗為敬業所擒

是年改左右威衛為

左右豹韜衛唐制諸府各有果毅都尉上府從五品下中府正六品上下府從六品下

唐之奇紹



其衆曰

始蕩  
實翻

此李孝逸也將斬之三朗大呼曰

呼火  
故翻

我

果殺成三朗非李將軍也官軍今大至矣爾曹破在朝

夕我死妻子受榮爾死妻子籍沒爾終不及我也遂斬

之孝逸等諸軍繼至戰數不利孝逸懼欲引退魏元忠

與行軍管記劉知柔言於孝逸曰風順荻乾

數所角翻  
乾音干

此火攻之利固請決戰敬業置陳既久士卒多疲倦顧

望陳不能整孝逸進擊之因風縱火敬業大敗斬首七

千級溺死者不可勝紀

陳隋曰陣  
勝音升

敬業等輕騎走入江

都挈妻子奔潤州將入海奔高麗

麗力知綱

孝逸進屯江都

分遣諸將追之乙丑敬業至海陵界阻風

海陵縣漢屬臨淮後漢晉

屬廣陵梁置海陵郡隋廢郡為縣屬江都郡唐屬揚州今為泰州九域志揚州東至海陵界九十八里又自海

陵東至海

其將王那相斬敬業敬猷及駱賓王首來降

一百七里

考異曰唐紀初官軍逆風不利俄而風回甚勁孝逸

縱火賊恐燒而潰敬業獻之奇求仁賓王走歸江都焚

簿書携妻子潛蒜山下手書召宗臣敬業初與宗臣木

契為約時亡其契宗臣疑而不赴或云宗臣已歸順敬

業入海欲奔東夷至五陵界阻風偽將王那

餘黨唐之

相斬之來降餘黨赴水死今從實錄唐統紀

奇魏思溫皆捕得傳首神都揚潤楚三州平

陳嶽論曰敬業苟能用魏思溫之策直指河洛專以  
匡復為事縱軍敗身戮亦忠義在焉而妄希金陵王  
氣是真為叛逆不敗何待

敬業之起也使敬猷將兵五千循江西上

將即亮翻  
上時掌翻

略

地和州前弘文館學士歷陽高子貢帥鄉里數百人拒  
之敬猷不能西以功拜朝散大夫成均助教

歷陽縣漢  
屬九江郡

晉置歷陽郡暨至北齊與梁通和置和州隋唐因之石  
改國子監為成均監按唐六典弘文館以五品以上為  
學士國子助教則從六品上耳掌佐博士分經以教授  
朝散大夫從五品下帥請曰率朝直遥翻散悉置翻

丁卯郭待舉罷為左庶子以驚臺侍郎韋方質為鳳

閣侍郎同平章事方質雲起之孫也

韋雲起仕隋唐之間

十二

月劉景先又貶吉州員外長史郭待舉貶岳州刺史

岳州

京師東南二千二百三十七里至東都一千八百一十六里

初裴炎下獄單于道安

撫大使左武衛大將軍程務挺密表申理由是忤旨

下

嫁翻單音婢使疏

務挺素與唐之奇杜求仁善或譖之

吏翻忤五故翻

曰務挺與裴炎徐敬業通謀癸卯遣左鷹揚將軍裴紹

業即軍中斬之

考異曰唐統紀曰既而太后震怒呂  
羣臣謂曰朕於天下無負群臣皆知之

乎群臣曰唯太后曰朕事先帝二十餘年憂天下至矣公卿富貴皆朕與之天下安樂朕長養之及先帝弃群臣以天下託顧於朕不愛身而愛百姓今為戎首皆出於將相群臣何負朕之深也且卿輩有受遺老臣倔強難制過裴炎者乎有將門貴種能糾合亡命過徐設業者乎有握兵宿將攻戰必勝過程務挺者乎此三人者人望也不利於朕朕能戮之卿等有能過此三者當即為之不然須革心事朕無為天下笑群臣頓首不敢仰視曰唯太后所使恐武后亦不至輕淺如此今不取

籍沒其家突厥聞務挺死所

在宴飲相慶又為務挺立祠

為于偽朝

每出師必禱之太后

以夏州都督王方翼與務挺連職素相親善且廢后近

屬徵下獄

夏戶雅朝下避嫁朝

流崖州而死

舊志崖州至京師七千四百六十里東

都六千  
三百里

垂拱元年春正月丁未朔赦天下改元 太后以徐思

文為忠特免緣坐拜司僕少卿

緣坐者緣親黨而坐罪也光宅改太僕為司僕

謂曰敬業改卿姓武朕今不復奪也

復扶又翻 考異曰寶錄云思文表

請改姓武許之蓋太后有此言思文因請之也今從唐紀

庚戌以騫味道守內史

內史中書令

戊辰文昌左相同鳳閣鸞臺三品樂城文獻

公劉仁軌薨

文昌左相即尚書左僕射

二月癸未制朝堂所置登

聞鼓及肺石

登聞鼓在西朝堂肺石在東朝堂朝直遙翻

不須防守有撾鼓

立石者令御史受狀以聞

瓜則

乙巳以春官尚書武

承嗣秋官尚書裴居道

光宅以禮部為春官刑部為秋官尚書長羊嗣祥吏部

右

肅政大夫韋思謙

右肅政大夫右御史大夫

並同鳳閣鸞臺三品

突厥阿史那骨篤祿等數寇邊以左玉鈐衛中郎將淳

于處平為陽曲道行軍總管擊之

厥九切翻數所角翻鈐其廉翻將即亮翻

處昌呂翻陽曲縣自漢以來屬太原郡隋惡其名改曰

陽直武德三年分置汾陽縣七年省陽直縣改汾陽為

陽曲縣仍移治陽直

正諫大夫同平章事沈君諒罷

三月正

諫大夫同平章事崔沆罷

丙辰遷廬陵王于房州

舊志

房州京師南一千一百九十五里至東都一千一百八十五里杜佑曰房州古糜庸二國之地春秋楚子敗麇師於房渚即此曹魏為新城郡竹山縣則古庸國秦漢之上庸縣也

辛酉武承嗣罷

辛未頒垂拱格 朝士有左遷詣宰相自訴者內史竊

味道曰此太后處分

朝直遥翻處昌呂翻分扶間翻

同中書門下三品

劉禕之曰緣坐改官由臣下奏請太后聞之夏四月丙

子貶味道為青州刺史加禕之太中大夫

太中大夫從四品上劉禕

之本職豫王府司馬王府司馬從四品下

謂侍臣曰君臣同體豈得歸惡於

君引善自取乎

癸未突厥寇代州淳于處平引兵救



之至忻州為突厥所敗

敗補選

死者五千餘人 丙午以

裴居道為內史納言王德真流象州

象州至京師四千九百八十九里

己酉以冬官尚書蘇良嗣為納言

光宅改工部為冬官

壬戌

制內外九品以上及百姓咸令自舉

令有才能者咸得自言以求進用令力

丁壬申韋方質同鳳閣鸞臺三品 六月天官尚書

韋待價同鳳閣鸞臺三品

光宅改吏部為天官

待價萬石之兄也

同羅僕固等諸部叛遣左豹韜衛將軍劉敬同發河

西騎士出居延海以討之

甘州刺史丹縣北渡張掖河西北行出合黎山峽口傍河東

端屈曲東北行千里有寧冠軍  
軍東北有居延海騎奇寄翻

同羅僕固等皆敗散敕

僑置安北都護府於同城以納降者

同城即刪丹之同城守捉天寶二載

改為寧冠軍  
降戶江翻

秋七月己酉以文昌左丞魏玄同為鸞

臺侍郎同鳳閣鸞臺三品

文昌左丞即尚書左丞

詔自今祀天

地高祖太宗高宗皆配坐

坐祖卧翻

用鳳閣舍人元萬頃等

之議也 九月丁卯廣州都督王果討反獠平之

獠骨皓翻

冬十一月癸卯命天官尚書韋待價為燕然道行軍

大總管以討吐蕃

燕因肩翻吐從嗽入聲

初西突厥興昔亡繼往

絕可汗既死十姓無主部落多散亡太后乃擢興昔亡

之子左豹韜衛翊府中郎將元慶

唐諸衛皆有翊府中郎將郎將將郎亮翽

為左玉鈐衛將軍兼崑陵都護襲興昔亡可汗押五咄

陸部落

鈐其廉翽可從刊入聲汗音寒吐當沒翽

麟臺正字射洪陳子昂

先宅改秘書省為麟臺正字正九品下掌刊正文字射洪縣屬梓州漢都縣地後魏分置射江縣以婁婁難東六里有射江西魏訛為射洪上疏以為朝廷遣使巡察四方不可任

非其人

上時掌翽使疏吏翽下同

及刺史縣令不可不擇比年百姓

疲於軍旅不可不安

比訛至翽

其略曰夫使不擇人則黜陟

不明刑罰不中

大音扶中  
竹仲綱

朋黨者進貞直者退徒使百

姓修飾道路送往迎來無所益也諺曰欲知其人觀其

所使不可不慎也又曰宰相陛下之腹心刺史縣令陛

下之手足未有無腹心手足而能獨理者也又曰天下

有危機禍福因之而生機靜則有福機動則有禍百姓

是也百姓安則樂其生

樂音洛

不安則輕其死輕其死則

無所不至祇逆乘釁天下亂矣

祇於  
喬翻

又曰隋煬帝不知

天下有危機而信貪佞之臣冀收夷狄之利卒以滅亡

卒子 其為殷鑒豈不大哉 太后修故白馬寺以僧懷

義為寺主

姚思廉曰漢明帝時西域以白馬負佛經送洛因立白馬寺魏收曰漢立白馬寺於洛城

雍關西按此故洛城也唐之洛城乃隋所遷

懷義郭人

郭音戶

本姓馮名小寶

賣藥洛陽市因千金公主以進

千金公主高祖女

得幸於太后

太后欲令出入禁中乃度為僧名懷義又以其家寒微

令與駙馬都尉薛紹合族命紹以季父事之

薛紹尚后女太平公

主出入乘御馬宦者十餘人侍從

從才用

士民遇之者皆

奔避有近之者

近其新

輒撻其首流血

撻其

委之而去任

其生死見道士則極意毆之仍髡其髮而去朝貴皆匍

匍禮謁

毆烏口翻朝直遙翻  
匍薄乎翻匍蒲北翻

武承嗣武三思皆執僮僕

之禮以事之為之執轡

為于偽翻

懷義視之若無人多聚無

賴少年度為僧縱橫犯法

少詩照翻  
橫下孟翻

人莫敢言右臺御

史馮思勗屢以法繩之

右臺右肅政臺也

懷義遇思勗於途令

從者毆之幾死

幾居依翻

二年春正月太后下詔復政於皇帝睿宗知太后非誠

心奉表固讓太后復臨朝稱制

復扶又翻  
朝直遙翻

辛酉赦天下

二月辛未朔日有食之 右衛大將軍李孝逸既克

徐敬業聲望甚重武承嗣等惡之數譖於太后左遷施

州刺史

惡烏路翻數所角翻施州漢巫縣地吳分巫立沙渠縣後周於縣置施州隋廢州為清江郡唐

復置施州在京師南二千七百九里至東都二千八百一十里

三月戊申太后命鑄

銅為匱

匱居消翻

其東曰延恩獻賦頌求仕進者投之南曰

招諫言政得失者投之西曰伸冤有冤抑者投之北曰

通玄言天象災變及軍機祕計者投之

四匱各依其方色

命正

諫補闕拾遺一人掌之

正諫即諫議大夫也垂拱元年置左右補闕各一人從七品上

左右拾遺各二人從八品上掌供奉諷諫行  
立次左右史之下左屬門下省右屬中書省  
先責識官

識官猶今  
之保識

乃聽投表疏

疏所  
去翻

徐敬業之反也侍御史魚

承暉之子保家教敬業作刀車及弩敬業敗僅得免太

后欲周知人間事保家上書請鑄銅為匱以受天下密

奏

上時  
掌翻

其器共為一室中有四隅上各有竅以受表疏

可入不可出太后善之

考異曰統紀唐歷皆云八月  
作銅匱今從寶錄舊本紀又朝

野食載作魚思啗云上  
思啗應制為之甚合規矩  
遂用之今從御史臺記  
未

幾其怨家投匱

怨於元  
翻  
幾居豈  
翻

告保家為敬業作兵器殺傷



官軍甚衆遂伏誅

為于偽朝

太后自徐敬業之反疑天下人

多圖已又自以久專國事且內行不正

行下孟朝

知宗室大

臣怨望心不服欲大誅殺以威之乃盛開告密之門有

告密者臣下不得問皆給驛馬

唐制乘傳日四驛乘驛日六驛凡給馬者一品

八匹二品六匹三品五匹四品五品四匹六品三匹七品以下二匹給傳乘者一品十馬二品九馬三品八馬四品五品四馬六品七品二馬八品九品一馬三品已上較召者給四馬五品三馬六品已下有差一驛三十

里供五品食

唐六典四品五品常食料七盤每日細米二升麴二升三合酒一升半羊肉三分瓜

兩顆鹽鼓惣薑蒜韭之屬各有差使詣行在雖農夫樵

新唐志五品食料雜用錢月六百

人皆得召見廩於客館

客館屬鴻臚寺典客令廩者廩給之見賢通翻

所言或

稱旨則不次除官

稱尺證翻

無實者不問於是四方告密者

蜂起人皆重足屏息

重直龍翻屏必邪翻

有胡人索元禮

索蘇各翻矢口

太后意因告密召見擢為游擊將軍令案制獄

見賢通翻令力

丁翻元禮性殘忍推一人必令引數十百人太后數召見

賞賜以張其權

數所角翻張知亮翻

於是尚書都事長安周興

唐尚

書都省有都事管諸司主事令史尚長羊翻

萬年人來俊臣之徒效之紛紛

繼起與累遷至秋官侍郎俊臣累遷至御史中丞相與

私畜無賴數百人

畜吁  
玉翻

專以告密為事欲陷一人輒令

數處俱告事狀如一俊臣與司刑評事洛陽萬國俊

光宅

政大理為司刑評事

共撰羅織經數千言教其徒網羅

從八品掌出使推勘

無辜織成反狀構造布置皆有支節太后得告密者輒

令元禮等推之競為訊囚酷法有定百脉突地吼死豬

愁求破家反是實等名號或以椽關手足而轉之謂之

鳳皇曬翅或以物絆其腰引枷向前謂之驢駒拔擷

椽重

緣翻曬所賣翻絆  
博慢翻擷其月翻

或使跪捧枷累斃其上謂之仙人獻

果或使立高木引枷尾向後謂之玉女登梯或倒懸石

縋其首或以醋灌鼻或以鐵圈殺其首而加楔

枷音加  
斃扶歷

翻縋馳偽翻圈丘員翻殺  
叶角翻急束也楔先結翻

至有腦裂髓出者每得囚輒

先陳其械具以示之皆戰栗流汗望風自誣每有赦令

俊臣輒令獄卒先殺重囚然後宣示太后以為忠益寵

任之中外畏此數人甚於虎狼麟臺正字陳子昂上疏

上時掌翻  
疏所據翻

以為執事者疾徐敬業首亂唱禍將息姦源

窮其黨與遂使陛下大開詔獄重設嚴刑有迹涉嫌疑

辭相逮引莫不窮捕考案至有姦人熒惑乘險相誣糾  
告疑似冀圖爵賞恐非伐罪弔人之意也臣竊觀當今  
天下百姓思安久矣故揚州構逆殆有五旬而海內晏  
然纖塵不動陛下不務玄默以救疲人而反任威刑以  
失其望臣愚暗昧竊有大惑伏見諸方告密囚累百千  
輩及其窮竟百無一實陛下仁恕又屈法容之遂使奸  
惡之黨快意相讐睚眦之嫌即稱有密一人被訟

被皮  
義細

百人滿獄使者推捕冠蓋如市或謂陛下愛一人而害

百人天下喁喁

喁魚容翻

莫知寧所臣聞隋之末代天下猶

平楊玄感作亂不踰月而敗天下之弊未至土崩蒸人

之心猶望樂業

蒸人猶蒸民也避太宗諱改民為人樂音洛

煬帝不悟遂使

兵部尚書樊子蓋專行屠戮大窮黨與海內豪士無不

羅殃遂至殺人如麻流血成澤

事見一百八十二卷大業九年

天下靡

然始思為亂於是雄傑並起而隋族亡矣夫大獄一起

不能無濫冤人吁嗟感傷和氣羣生癘疫水旱隨之人

既失業則禍亂之心怵然而生矣古者明王重慎刑法

蓋懼此也昔漢武帝時巫蠱獄起使太子奔走兵交宮

闕無辜被害者以千萬數宗廟幾覆賴武帝得壺關三

老書廓然感悟夷江充三族

事見二十二卷漢武帝征和二年三年幾居依翊

餘獄不論天下以安爾古人云前事之不忘後事之師

史記太史公之言

伏願陛下念之太后不聽夏四月太后鑄

大儀置北闕

北闕蓋在玄武門外

以岑長倩為內史六月辛未

以蘇良嗣為左相同鳳閣鸞臺三品韋待價為右相已

卯以韋思謙為納言蘇良嗣遇僧懷義於朝堂懷義偃

蹇不爲禮良嗣大怒命左右捽曳批其頰數十

捽昨沒  
批蒲

列翻擊也  
又匹迷翻

懷義訴於太后太后曰阿師當於北門出入

阿烏  
葛翻

南牙宰相所往來勿犯也太後託言懷義有巧思

思相  
吏翻

故使入禁中營造補闕長社王求禮上表

長社漢  
縣隋改

曰潁川武德四年後  
舊帝許州上時掌翻

以爲太宗時有羅黑黑善彈琵琶

太宗聞爲給使使教宮人陛下若以懷義有巧性欲宮

中驅使者臣請闕之庶不亂宮闈表寢不出 秋九月

丁未以西突厥繼往絕可汗之子斛瑟羅爲右玉鈴衛



將軍襲繼往絕可汗押五弩失畢部落 己已雍州言

新豐縣東南有山踊出

雍於用翻 考異曰統紀在十二月今從實錄 程大昌曰武

右改新豐為慶山縣其說曰時因雷雨踊出一山故取以為名而其何以輒湧也不言其以也此即在位小人共加傳會也至兩京道里志則言其詳矣曰慶山踊出初時六七尺漸高至三百尺則非一旦驟為三百尺也自六七尺日日累增至三百尺是積力為之非一夜雷雨頓能突兀如許也此為人力所成大不難見 改

新豐為慶山縣

新豐自漢以來屬京兆

四方畢賀江陵人俞文俊

上書

江陵縣帶荊州

天氣不和而寒暑併人氣不和而疢贅生

地氣不和而蝗阜出

疢音尤贅之萬翻 蝗都回翻

今陛下以女主處

陽位反易剛柔故地氣塞隔

塞悉則翻  
虞昌呂翻

而山變為災陞

下謂之慶山臣以為非慶也臣愚以為宜側身修德以  
答天譴不然殃禍至矣太后怒流於嶺外後為六道使

所殺

六道使見後二百五卷  
長壽二年使疏吏翻

突厥入寇左鷹揚衛大

將軍黑齒常之拒之至兩井遇突厥三千餘人見唐兵

皆下馬擐甲常之以二百餘騎衝之

擐音宦騎  
奇寄翻

皆弃甲

走日暮突厥大至常之令營中然火東南又有火起虜

疑有兵相應遂夜遁

狄仁傑為寧州刺史右臺監察

御史晉陵郭翰巡察隴右所至多所按劾

監古銜翻勅  
戶榮翻又戶

得

入寧州境耆老歌刺史德美者盈路翰薦之於朝

朝直

遙徵為冬官侍郎

資治通鑑卷二百三